





၂၄ မတ် ၁၉၆၈

အောင်မြင်စွာ ပြီးစီးပါသည်။

# ყოვლად სამღვდელო

რომის კათოლიკეთა, ღირასბოლის ეპარხიის ეპისკოპოსი

## ედუარდ ბარონ-დე როკვი

და

### მისი მოგზაურობა საქართველოში

თავისი საკუთარი მარშრუტის დამატებით

აქავე მოთავსებულია

ბათუმის ქართველ-კათოლიკეთა,

ფუბადაშვილის ეკლესიის კურთხევა ცერემონიითურთ მოკლეთ,  
სურათებით.

შედგენილი და გამოცემული

მეცნიერ კონსტანტინე გვარამაძის მიერ



თბილისი

ქართველთა წიგნების გამომცემელ ამხანაგობის სტამბა, ვანქის ქუჩა.

1903

37200

Handwritten red signature or mark.

Дозволено цензурою 11 августа 1903 г., гор. Тифлисъ.



ყოვლად უსამღვდელო ტირასპოლის რომის კათოლიკეთ ეპისკოპოსი  
ედუარდ ბარონ-დემ როკვი.

## უოვლად სამღვდელო

რომის კათოლიკეთა, ღირასბოლის ეპარხიის ეპისკოპოსი

### ედუარდ ბარონ-დე როპპი

და მისი მოგზაურობა საქართველოში.

უოვლად სამღვდელო ეპისკოპოსი ედუარდი ბარონ-დე როპპი გერმანელთა ტომისაა, ოსტზეის მხრიდგან, ბარონის გვარისა. უნივერსიტეტი დამთავრებული აქვს იურიდიულ ფაკულტეტზე; იგი ფილოსოფიის დოქტორია და უფლებათა კანდიდატი; დაიბადა 2 ქრისტიანობის თვეს, 1851 წ. სოფ. ლიქსნაში, ვიტებსკის გუბერნიაში. მამა მისი იული, ბარონი თავად-აზნაურთა წინამძღვარი იყო; დედა—იზაბელა-კი გრაფინია პლატეზშიბეკრგის ასული იყო (ბებერა პოლონელი ჰყოლია).

პირველ დაწყებითი სწავლა პატარა ედუარდს სახლში, დედ-მამასთან მიუღია; შემდეგ-კი საზღვარ გარედ, ჭრაიბურჰში (მდ. რენის ნაპირზეა). გიმნაზია რიგაში შეასრულა, ხოლო უნივერსიტეტი პეტერბურგში, 1874 წ. ამდროს, აქავე შევიდა პირველად სამსახურში, ოლქის სასამარლოში, ერთხანად პროკურორათაც ითვლებოდა აქ; შემდეგ გადავიდა სახელმწიფო ქონებათა სამინისტროში. 1874 წ. დაეთხოვა თავის სრულის ნებით სამსახურსა და მიიმართა სახლში, თავის საკუთარის მამულების შესავლელად; მართავდა ერთხანად ამასაც, თითქმის შვიდ წელიწადს, შემდეგ კი შეიცვალა აზრი და სასულიერო წოდება აღუთქვა. შევიდა კოფნოს კათოლიკეთა სემენარიაში სასწავლებლად; იქ დაჰყო ორ წელს და კიდევ შეასრულა 1886 წ., როდესაც ეკურთხა მღვდლათაც. ახალი ნაკურთხი სა-

ზღვარ-გარეთ გავიდა პატარა ხანს;—მალე ლიბავაში დანიშნეს წინამძღვრად (настоятелем), და შემდეგ დეკანოზათაც—კურლანდიასა. მისმა ენერგიულმა და მუყაითმა სასულიერო წოდებაზედაც სამსახურმა მალე კანონიკობაც შესძინა, რომელიც დანიშნეს სამოციქულოში. ენერგიანი და ნიჭიერი კანონიკი ედუარდი, ბოლოს დააჯილდოვეს თავისი რიგიანი სამსახურობისათვის მღვდელმთავარის წოდების მინიჭებით. ამ უმაღლესს ადგილზე კანდიდატობა უბოძეს 9 აპრილს 1902 წ.; 3 ნოემბერს-კი, იმავე 1902 წ., მათ უსამღვდელოებას მიანიჭეს მწყემს-მთავრის ხარისხი და იმ წამიდგანვე ტირასპოლის ეპისკოპოსის, ანტონ ცერის მოადგილეთ დანიშნეს.

51 წლის ეპისკოპოსი ედუარდი—თუმცა მოხუცი არაა, მარა მისი ქაბუკი შეხედულობა, 35 წლის ყმაწვილ კაცს მოგაგონებთ; იგი ვაჟკაცურის შესახედავი კაცია კიდევ, მეტად ცოცხალი და დაუზარელი. ის მეტათ დიდი ქკუისაც უნდა იყოს, რასაც ცხადათ გვისარკვევებს მისი დალაგებული ქცევა და მართვა... არის მქვერმეტყველი და მასთან დიდათ დაკვარვებული და შორმხედველი; ამასთანავე არის პირადი; დაფარული და დაზეწრული-კი არა უყვარს-რა... სულ ნათელი და ცხადი ურჩევნია მას ყველაფერში... მათ სამღვდელოებას ბევრ საუკეთესო თვისებებთან ერთათ თავდაბლობა, სულგრძელობა და მოთმინებაც ეტყობა, რაიცა, მაგალითებით გვიჩვენა ყველა ეს... არის შრომის მოყვარეცა. ეს, უკანასკნელი თვისება ცხადათ გვიჩვენა მან, როდესაც ის საახსარებოთ დაჯდებოდა ხოლმე შეუფერებელ ადგილებზე: ხან ეკლესიის კარებთან და კედლებთან მიკუნჭული და ისე ათქმევინებდა ხოლმე; მერმე და ხანგძლივ, სამ-ოთხ საათობით, შეუსვენებლივ და სხვა ამისთანობა...

მათი სამღვდელოება ედუარდი მოქალაქეობაშიაც თავდაბლად და მდაბიოდ იქცევა ყველასთან: მღვდელთან თუ ერთან, დიდთან თუ პატარასთან, წოდების და სქესის განურჩევლათ. მწყემს მთავრობას შენიშნავთ მას, მხოლოდ მღვდელ-მოქმედების ასრულებაში და საზოგადოთ თავისს სამსჯავრო სასამართლოში.



მათი მეუფება ლაპარაკობს კარგათ შვიდს ენაზე: გერმანულს, ფრანგულს, ლათინურს, იტალიანურს, ლიტვინურს, პოლონურს და რუსულსა.

პატარობიდგანვე დიდი მოყვარული ყოფილა ეპისკოპოსი ედუარდი მოგზაურობისა დიდის ცნობის მოგვარებითა, რაცა ყველა ეს მისი ნალაპარაკევიდანა ჩანა... ჰყვარებია აგრეთვე მონადირობაცა, საიდგანაც ერთ-ერთი მისი მონადირობაც უკვეც გაგვაცნო, თუ როგორ წასულა ის დათვის მოსაკლავად შვეიცარიის ალპების ხევ-ღელეფებში, როდესაც თოფით ხელში, ფეხ-და-ფეხ გამოჰკიდებია მას, თვითონ კი გასხლტომია ფეხი იმისთანა გვერდობს და ციციბო ფენილზე, რომ, ერთ გარემოებას რომ არ გაეჩერებია, (მაგ. რო წაქცეულა გულალმა და გადმოგორებულა, ერთათ ერთ ბალახს შეურჩენია გულალმა გაშხლართული და მასთანავე ძრიელ გაჭიმული, რომელსაც თურმე ეს ძალა და ხერხი აკავებდა, გულალმა გადმოსაბრუნებლად რო ინძრეოდა), მაშინ უფსკრულისაკენ უბირებდა თურმე წაფრთხობასა იმ ხევ-ხუვში, სადაც ქორი ვერ ჩაფრინდებოდა და მისი ძვალ-რბილიც-კი გაუნორწყალდებოდა თურმე; იმავე ძალ-ხერხით—ცდილა მალლა ანაცვლებასა და ბოლოს, კიდევ მოუხერხებია ეს, და მის მომავალის ასასრულსაც გადარჩენია, ე. ი. უსულ-პუროთ გამოესალმებას ამ წუთისოფელსა.

ჩვენში, (მოგზაურობაში) რა მცენარეც კი შეხვდებოდა,— მაშინათვე უკვირდებოდა... ბევრის სახელებიც იცოდა; რაც-კი უცნაური შეხვდებოდა (იმას), სხვისი მეოხებით აიხსნიდა და ინიშნავდა უბის წიგნში. შეუმჩნეველი და უყურადღებო არა ურჩებოდა-რა მათ მეუფებასა: არც მინერალოგიდგან, არც ზოოლოგიდგან, არც ბუნების სიმშვენივრიდგან და არც ეროვნებისაგან... სუყოველისფერს დიდის გულმოდგინებით იკვლევდა. უმნიშვნელოთ ერთი ნაბიჯიც არ გადაუდგამს ჩვენს ქვეყანაში, რომ თავის უბის წიგნში არ მოეთავსებოდა თავის უნიშვნები.

საზოგადოდ საქართველოს კათოლიკენი დიდი ხნიდგან დაწყურებული იყვენ ეპისკოპოზის ხილვასა, თითქმის 200 წე-

ლიწადი იქნება მას აქეთ, რაც რომ მათ თავეთი მწყემს-მთავრის პირიც არ უნახიათ!.. მას კათედრას ხომ ჩვენი ქვეყანა 400 წლით მოშორებულია და მხოლოდ ახლა ელირსნენ ამ სურვილის განხორციელებას, ეპისკოპოსი ედუარდის მობძანებითა!.. საკვირველია, მრავალ მწყემსთ-მთავრებს სურვებიათ საქართველოს ხილვა, და არც ერთს ხვდენია წილათ, გარდა ედუარდისა, რომელსაც ისეც უყვარდა პატარობიდგანვე მოგზაურობა და აქაც აისრულა ჩვეულებრივი სურვილი მან. ამ ბედნიერების მიზეზათ ჩაითვლება ბათომის ზუბალაშვილის მიერ აგებული ეკლესია, რომლის საკურთხევად იქმნა მოწვეული სარათოვიდგან, 1903 წ. 4 მაისს; და ამავე მომარჯვებულს დროს იქნენ ბედნიერნი ყველა, საქართველოს კათოლიკენიც, რადგანაც ეპისკოპოსმა კურთხევის შემდეგ, ბათომიდგან დაიარა მთელი თავისი სამწყსო საქართველოს კათოლიკენი და გაიცნა ივინი.

ყოვლად სამღვდლო ეპისკოპოსი ედუარდი სარათოვიდგან გამოდგა საქართველოსაკენ, 20 აპრილს, ამა 1903 წ. თბილისში მობძანდა 27 მაისს; აქ დარჩა ორ მაისამდის. სწორა ქართველ კათოლიკეთა ღვთისმშობლის მიძინების ეკლესიაში; მირონი სცხო ხალხს და აზიარა მრავალი. 2 მაისს კი, დილის მატარებლით წაბძანდა ბათომს ეკლესიის საკურთხებლად.

2 მაისს საღმავს, 10 საათზედ ბათომში მობძანდა მათი უსამღვდლოება, რომელსაც თან ახლდა სარათოვის კათოლიკეთა სემინარიის რექტორ-პროფესორი დონ-ივანე ანტონიშვილი, თბილისის ვიზიტატორი ბარანოვსკი, პატრი დამიანე სააკაშვილი (ეკატერინოსლავის მოძღვარი), მღ. ივანე გვარამაძე, რომელიც ახალციხიდგან მიხაილოვში დაუხვდა მათ უსამღვდლოესობასა, სტეფანე კონსტანტანეს ძე ზუბალაშვილი (ბათომის ეკლესიის ამგები) და სხ. სადგურზე ბევრი სამღვდლოება და აუარებელი ხალხი დაუხვდა; მაგ., თ.-ხ.-შურიდგნ დონ მიხეილ (დონ-ივანეს ძმა), ანტონიშვილი; ბლიუმენფელიდგან (ხერსონის გუბერნიაშია), პატრი გაბრიელი, (მზექა-

ბუკი) გვარამაძე, ბაქოღვან პატრი ვასილი მუთაფოვი, თბილისიღვან პატრი ყალაიჯიშვილი, გორიღვან დონ-გაბრიელი ასლანიშვილი, ხიზაბავრიღვან (ჯავახეთიღვან) მღ. მიხეილ ვარძელაშვილი, სოხუმიღვან პატრი პოლონელი, ართვინიღვან ართვინის ოლქის არხიმანდრიტი ემანუელი, ადგილობრივი სომეხ-კათოლიკეთა მღ. თომა იგიოხანიშვილი, ალექსანდრე-პოლიღვან მღ. მიკირტიჩი და სარათოვის სემინარიის კლირიკები, რიცხვით ათამდის, რომელნიც მღვდლად და მთავარ-დიაკვნად საკურთხებლად იყვნენ მომზადებულნი აქ, და სხ...

ადგილობრივ ქართველ-კათოლიკეთა სახელით მათ უსამღვდელოესობას პურ-მარილი მიართვა მიხეილ სტ—ძე ბეთანიშვილმა ვერცხლის შვენეირის ლანგრითა, რომელსაც შემდეგი ზეწარწერა ჰქონდა: „მათ უსამღვდელოესობას ტირას-პოლის, რომის კათოლიკეთა ეპარხიის ეპისკოპოსს ედუარდი ბარონ-დუ როპსს, ადგილობრივ ქართველ-კათოლიკეთაგან“.

სადგურიღვან მათი უსამღვდელოესობა წაბძანდა კათოლიკეთა დროებითი სამლოცველო სახლში, (რომელიც ახალი ეკლესიის ეზოშივეა). იქ მგალობელთა გუნდმა, რომელიც კლირიკებიღვან და პატრებიღვან შესდგებოდა, მუსიკაზე სამადლობელი პარაკლისი გადაუხადეს მათ უსამღვდელოებას. ეპისკოპოსმა სიტყვა სთქვა ფრანგულათ და იტალიანურად, რომელიც დამსწრეთათვის თარგმა ქართულად დონივანე ანტონიშვილმა. აი სიტყვა: „მე მოვედი ახალი ეკლესიის საკურთხევლად; კურთხევას ადვასრულებთ ზეგ, კვირეს, (4 მაისსა); ხოლო ხვალიღვან, ზოგიერთი კურთხევის კანონების შესრულებას დავიწყებთ წირვის დროს, დილის ათ საათზე; მასთანავე იქნება ვიჯილია, ე. ი. მარხვითი მარხულობა; ვინც აასრულებს ამას სრულს შენდობას მიიღებს იგი ღვთისაგან.

ამასთანავე გეცხადებათ, რომ ორშაბათს და სამშაბათს მირონის ცხება იქნება; მირონს ვცხებთ იმათ, ვინც ლათინის წესის მღვდლებსაგან მონათლული იქნებიან პატარობიღვან რომელთაც არა აქვთ ნება იმ წესის მღვდლებს მირონის ცხებისა; ამისათვის მირონის მცხებელი აღსარება-ზიარებით მოემზადება საცხებათ და ისრე გაწმენდილის გულით იცხებს... ვინც მოუ-

მზადებლივ გაბედავს ამას, იგი მძიმეთ შესცოდებს ღმერთს... ამასთანავე მირონსაცხებლებმა უნდა იყოლიოთ თან, ქალებმა დედობილი და მამებმა მამობილი, ე. ი. მომნათველეები, რომელიც იქნებიან ნათლია. თქვენ, მირონ-ცხებულთა და დედობილ-მამობილთა (ურთი-ერთ, ნაცხოვ ნათლიათა) შორის, მყარდება სულიერი ნათესაობა, რომელიც იქნება პირველ ხარისხოვნული, და თქვენში შლის ქალის მიცემ-მოცემასა.

რომელიც სომხის რიგის მღვდელისაგან მონათლული იქნება, იმან აღარ უნდა იცხოს მირონი, რადგან სომხის წესის მღვდლებს მირონის ცხების ნებაც აქვსთ, რომელსაც ასრულებენ მონათვლის დროსვე და ამიტომაც გიმეორებთ, იმათ აღარ გაბედონ ცხება მირონისა, რადგანაც ერთხელ მირონის ცხება არ განმეორდება.

მირონის ცხება არს ღვთის ბეჭედი, რომელიც ინერგება ადამიანის სულში და ღმერთმან დაიცვას იგი ერთხელ ცხებული ქრისტიანე, რომ ჯოჯოხეთში წავიდეს, რაოდენ საშინელებით იმოქმედებს ჯოჯოხეთის ცეცხლი იმ ერთათ-ერთ ცხებულზეაც-კი, და ეს ცხება, რომ განმეორებულ იყოს, რა უსაშინლესი იქნება იმ ორ ბეჭედში, ადამიანის სულში... მაშასადამე, გაფრთხილებით გაფრთხილებთ, არამც და არამც, არ გაბედოს ერთხელ მირონ ცხებულმა განმეორება მისი, თორემ ძალიან დიდს მომაკვდინებელს ცოდვას იქმს!..

ამასთანავე კარგათ იცოდეთ, რომ ნათლია, დედობილი-თუ მამობილი თავათ მირონ ცხებულნი უნდა იყვნენ, რომ სხვას ნათლიათ დაუდგნენ, ე. ი., ისინი უთუოდ სომხის წესის მღვდლისაგან მონათლული უნდა იყვენ. განა ისიც კი შეიძლება ლათინის მღვდლის მონათლულიც დაუდგეს ნათლიათ, მხოლოდ მაშინ, როდესაც ჯერ თვითონ იცხებს მირონსა და ნაცხები იმ წამსვე სხვას უნათლიებს, როგორც მირონ ცხებული.

რა დაასრულენ სიტყვა, გამობძანდა კარში მათი უსამღვდელოება ბინახე წასავალად, მარა რა ინახულა შვენიერი ელექტრონით განათებული ეკკლესია, ვეღარ გასძლო უნახაობა-

და მოისურვა კარის გაღებინება და ნახვა მისი. რამდენიმე წუთით რა ინახულა, გამობრუნდა, და წაბძანდა ნ. საბაგვის სახლში, სადაც მისთვის განმზადებული იყო ბინათ სამღედელოები კი „ფრანციის“ სასტუმროში გაემართნენ, რადგან მათთვის, იქ იყო განმზადებული ბინა.

---

### კურთხევა ეკლესიისა.

4 მაისს, კვირას, ყოვლად სამღვდელო ეპისკოპოსმა ედუარდმა აკურთხა ბათუმის ქართველ-კათოლიკეთა ეკლესია ყოვლადწმიდის ღვთის მშობლის უმანკო ჩასახების სახელზე.

დილა მშვენიერი იყო. კურთხევაზე აუარებელმა ხალხმა მოიყარა თავი; ტევა არამც ეკლესიაში და მის გალავანში, არამედ გალავნის გარედ, გძელ და ფართო ქუჩებშიაც კი არ იყო.

ადგილობრივ ხალხს გარე, კურთხევაზე მრავალი სხვა-დასხვა საქართველოს კუთხეებიდანაც იყვენ მოსულნი: ქუთაისიდან, თბილისიდან, ბაქოდან, გორიდან, ოზურგეთიდან (და სხვა-დასხვა გურიის სოფლებიდან), სოხუმიდან, ახალციხიდან, არდანიუჯიდან, სამეგრელოდან და სხვა-დასხვა დაბა-სოფლებიდან.

კურთხევა ღღეს, ისეც მშვენიერი ეკლესია საუცხოვოთ მორთული იყო; მეტადრე ეკლესიის შესავალი კარები, რომელიც მწვანე რტოებით მოაივანებული იყო და ზემოდან დასახურავებული მშვენიერის ფარჩულითა; ქვემოთ, ძირს-კი მოფიქალეული თავი კიბისა, სულ მთლათ მონოხ-ხალიჩებული იყო, რასაც ეპისკოპოსის წითელ ხავერდით მორთული დასაჯდომი, კლავებიანი სკამი აშვენებდა; ზედ მეტად-კი ზევით, მომწვან-რტოებულ და მოფარჩული სახურავით დაშვენებული მრავალ ფეროვნებით შეხამებული მათი სამღვდელოების ბარონის არმა.

დილის 10 საათზედ, მათმა უსამღვდელოებამ კარ-ჩაკეტილ ეკლესიაში, ხოლო სამღვდელოების თანადასწრებით, მირონი სცხო ტრაპეზებსა და სვეტებს და მასთანავე ჩაასვენა სამი მარმარილოში ჩანაწილებული ნაწილები; კურთხევისა შემდეგ გამობძანდა გარეთ შემოსილი ეპისკოპოსი, მარცხენა ხელში შვენიერი ბრონზის კვერთხით და მარჯვენაში კი სასხურებლით, და გარემო სამ-გზით შემოუარა ახალ ეკლესიას ნაკურთხის წყლის სხურებით ეკლესიის კედლებზე. მათ უსამღვდელოებას, წინ, მგალობელი შემოსილი პროცესია უძღოდა, რომელიც შესდგებოდა მღვდლებისაგან, მთავარ-დიაკვნებისაგან და მცირე დიაკვნებისაგან. პროცესიას ცერემონმეისტრობდა

დონ-ივანე ანტონიშვილი. მათ უსამღვდელოებას ზემოდგან, ხელ-კარავი ჰქონდა შვენიერად თავს დადგმული ოთხი კაცის მიერ, სტ. ზუბალაშვილის დახმარებითა. პროცესიას ვარდს უფენდა პატარა, 5—10 წლის თეთრათ მორთული ქალიშვილებისაგან პატარა გუნდი, რომელთაც მხარზე გადაკიდებული ჰქონდათ პატარა ყვავილებით აღსავსე კალათები და უყრდნენ მადლა. გალობა ლათინურად და სხვა ენებზედაც სრულდებოდა.

დასასრულ კურთხევის პროცესიისა, ეპისკოპოსმა ბძანა გერმანულათ, ფრანცისულათ და პოლონურად სიტყვა, რაიცა იგივე სიტყვები პროფესორ-რექტორისაგან ე. ი. (დონ-ივანესაგან) გადმოქართულდა დამსწრეთათვის. სიტყვა უმთავრესად შეეხებოდა ახალად ნაკურთხ ეკლესიის მნიშვნელობასა, თუ რაოდენ ნიქს და მადლს, თუ შენდობას მიიღებენ ღვთისაგან, ვინც პირველად შევალს შიგ აღსარება-ზიარებით, განწმენდილის გულით; და ვინც ვერ მოასწრო აღსარება-ზიარება, თუ რაოდენ მადლსა და შენდობასავე მიიღებს, მხოლოდ მხურვალებით და სასოებით მიმმართველი ღვთისადმი!.. აქავე დაახასიათა მან ეკლესიის შვენიერება და სისაუცხოვე და მასთან მისი ამგების, ზუბალაშვილის უდიდესი და უხვავრიელესი მოწყალების გაღება, რაიცა დიდი დაუვიწყარი წყაროა უდიადესი ქველმოქმედებისა; და მასთანავე უბედნიერესად დასახა იქაური მკვიდრნი, ქართველ-კათოლიკენი, რომელთა ბედათ ხვდათ უძვირფასესი სტილით აგებული ტაძარი, რომელიც თითოთ საჩვენებელი არის და კიდევაც იქნება ერთხანათ, არამც მარტო კავკასიაში, არამედ რუსის სახელმწიფოს ბევრს კურთხეთა შორისაცკიო!.. უსურვა მხურვალე გულით და სასოებით ცხონება ამგებელის მიცვალებულთა, ძველთა თუ ახალთა და თავად ცოცხალთა კი, სიცოცხლე ჯანმთელობით და ქონების წარმატებითა, ღვთის მადლებით და ნიჭების აღსავსეობითა; სხვათაც დაავალა, რომ თავისთან ერთად ყველას ელოცნათ და შევედრებოდნენ ზუბალაშვილის ცოცხალთა და მიცვალებულთათვის... დასასრულ, უყურადღებოდ, არც იმ შენობის აგებაზე მომუ-

შავეც არ დატია, ნამეტურ და საკუთრივ პატრი ანსელმო მღებრიშვილი, რომელსაც უდიდესი ღვაწლი მიუძღვოდა მის აგებაზე. უსურვა სიცოცხლე და უპირველესად-კი გაკურნება, რადგან მძიმე ავადმყოფი იყო და იწვა ქვეშაგებზე და ვერ დაესწრა თავის მოწაღვას ნაგებ ეკლესიის კურთხევაზე, სადაც შემოკრებილ იყვნენ იმ დღეს, სხვანი, ათიათასობით იმის სანახავად და დასასწრებლად. რა დასრულდა ეს სიტყვები, დასრულდა ეკლესიის კურთხევაცა. შემდეგ ეპისკოპოზი შეუდგა ახლად ნაკურთხ ეკლესიაში პირველ წირვის თქმასა სამღვდლო კრებულის თანადახმარებითა, ხოლო წირვამდისინ კი მღ. ივანე გვარამაძემ შემდეგი სიტყვა სთქვა მარმარილოს ამპიონიდგან.

### სატევა ქ. ბათუმის ქართულ-კათოლიკეთ ეპიკლესიის კურთხევაზედა.

„უფალი ტაძარსა წმიდასა მისსა, უფალი ზეცას არს, საყდარი მისი თვალნი მისნი, დავრდომილსა ჰხედვენ და წამნი მისნი განიკითხენ ძეთა კაცთასა.“ ფ. 10.

წმიდა კიპრიანე, ბერძენთ მამა-მთავარი, როცა ლაპარაკობს ქრისტეს ერთ წმ. კათოლიკე და სამოციქულო ეკლესიაზედ, ასე ამ მაგალითით გვიმარტამს და გვახვდენს ყოველ კეთილ მორწმუნე ქრისტიანთა: „როგორც მზეს მრავალი შარავანდნი აქვს, მაგრამ ნათელი ერთ არის; მით ხესაც მრავალი რტოები ასხია, მაგრამ ძალა ერთი აქვს, რომელიც დამყარებულია მის ერთს ღერძზედა: ასე, ამნაირათ, საუფლო ერთი ეკლესიაც თავის ნათლოვან შარავანდთა ჰფენს ყოველგან მთელ ქვეყანაზედა!..“

აგერ ქრისტეს ერთი წ. საკათოლიკე და სამოციქულო ეკლესიის მრავალ შარავანთგანი ერთი შარავანდიც დღეს აქ გაგებრწყინებია ჩვენ კათოლიკეთა დიდ სასიხარულოთ და ნუგეშათ, რომლის საუცხოვო მოყვანილება და სიმშვენიერე საოცრათ უტკობს ყოველ კაცს სულს-გულსა და თან რაღაცა უღრმესს მოწინებულ კრძალვა-რიდს უნერგავს გულში, როგორც უღრესი სავანე სახლ-სადგური ყოვლის მპვრობე-





ახალი ბათუმის ეკლესია.

ლის ღვთისა, ცხებული და განწმენდილი ჩვენი ყოვლად სამღვდელო ტირასპოლის, რომის კათოლიკეთა ეპარხიის ეპისკოპოსის, ბარონ, ედუარდ-დე როპპის ლოცვა-კურთხევითა... რომელიც ღალადებს ბრწყინვალეთ: „იხარებს სული ჩემი უფლისა მიმართ, რომელმან შთამაცვა მე სამოსელი ცხოვრებისა და კვართი სიხარულისა შემოსა მე; და ვითაარცა სიძესა დამადგა გვირგვინი მე, და ვითაარცა სძალი შემამკო სამკაულითა“. „სადაც ეწირვის ამიერიდგან იესო ქრისტე მაცხოვარი მღვდლის მიერ, დღე ყოველ თავის, საუკუნო მამასა, ჩვენს საოხხათ და მიცვალებულთა სალხინებლათ.“

ეს არის ერთად-ერთი დიდებული ბრწყინვალე წმ. ტადარი ღვთისა, სამარადისიო შეუვალი ბანაკი ანგელოზთა, განსასვენებელი ყოველთა წმიდათა სამყოფელი მართალთა, შესახიზარი, მკვიდრი ადგილი, ცოდვილთა მდიდარი საუნჯე განმაწმედელ და ცხოველ-მყოფელ შვილთა საიდუმლოთა, საწურთვენელ-სამქადაგებელო ჭეშმარიტის ღვთის სიტყვისა და ზეცისადმი აღმავალი ბჭე-კარი სასუფეველისა ღვთისა!..

გვასწავლის წინასწარმეტყველი მეფე დავით: „ეკლესიათა შინა აკურთხევდეთ ღმერთსა და უფალსა წყაროთაგან ისრაელისა. მაშ შევიდეთ სასყოფელთა მისთა, თაყვანი ვცეთ ადგილსა, სადა დადგეს ფერხნი მისნი!“ ვსტქვათ ყოველთა: „აღსდგე, უფალო, განსასვენებლად შენდა, შენ და კიდობანი სიწმიდისა შენისა, მღვდელთა შენთა შეიმოსონ სიმართლე და წმიდანი შენნი იხარებდნენ, რამეთუ გამოიჩინა უფალმან სიონი და სათნო იყო იგი სამკვიდრებელად თვისსა. სტქვა: ესე არს განსასვენებელი ჩემი უკუნითი უკუნისამდე ამას დავიმკვიდრო, რამეთუ მთნავს მე, ნადირნი მისნი კურთხევით ვაკურთხნე და გლახაკნი მისნი განვაძღვე პურითა, მღვდელთა მისთა შევმოსო ცხოვრება და წმიდანი მისნი სიხარულით იხარებდენ“. ფს. 131.

აკურთხე, უფალო, ღვთიულის კურთხევითა შენითა კეთილ მოღვაწე აღმაშენებელნი ამა წმ. ეკლესიისა და აღსწერე ზეციერს ცხოვრების წიგნსა შინა, მიცვალებულთ ზეცას სასუფეველი შენი დაუმკვიდრე და ცოცხალთ მიეც მადლი

შენნი კეთილს ცხოვრებისა ქრისტიანულად წარმატებულ სათნო ცხოვრებაში სულიერათ და ხორციელათ სანატრელათ ყოველთა კაცთა: მაშენებელ, ხელოსანთა, მუშათა, მოღვაწეთა, შემწეთა, შემწე-მშველელთა და ყოველნაირ მომხმარეთა, მიეც კეთილ-მისაგებელი შენს საქებ-სადიდებლად...

უსმინე, უფალო, ყოველი ლოცვა სათხოვარნი კეთილად ამ წმ. ეკლესიის ერსა და მათთან ერთათ სხვათა ყოველ მწირთა მლოცველთა შენდა შეწირულ სახმარი თავიანთ სიკოცხლეში სულისა და ხორცის საჭიროებისათვის; დაიცვე, ყოველნი მშვიდობით ერთგულ კაცთ-მოყვარეობითს წმ. სიყვარულში: შეეწიე, მოეხმარე, ყოველ გასაჭირ-შემთხვევაში, იხსენ, ყოველ მაგნე მტერთაგან სულისა და ხორცისა, აღხვენ, ყოველი რისხვა, სიბოროტე და ცოდვა მათგან!.. მოჰმადლე სული სიწმიდისა, გული სიმდაბლისა და სიმშვიდისა კეთილ სათნო ცხოვრებისათვის!.. ააცილე, და აარიდე ყოველ ნაირი დამამცირებელ დამამდაბლებელი მაგნე განსაცდელნი, მოყენებული მტერთაგან. დევნულება, წინაღმდეგობა, ბრძოლა, სნეულება, ჭირი, სიმშილი, ცეცხლი და ყველანაირი გასაჭირი სისაწყლისა, უმეცრებისა და უზრუნველ-უნაღვლოებისა, რათა სცხოვრებდენ უშიშრათ, მშვიდობით მარად შენი წმ. ცვა-მფარველობაში, შენის მადლითა შენს საქებ-სადიდებლათ!..

აკურთხე, უფალო, მიდამონი ამ წმიდა ეკლესიისა დასავლეთ საქართველოს სამეფოისა, ედემისებრ სამოთხეთ ქცეული ყველანაირი მცენარე ჭინახულეულითა, სადაც დიდ სასიქადულოთ ჩამოუქრის მახლობლათ ედემის სამოთხის პირველ მდინარეთაგანი ფისონი აწ „ჭოროხათ“ წოდებული, ამ „კეფადათ“ ხსენებულ ქვეყნისა, სადაც სამხთო წერილის თქმულებისამებრ: „ოქრო არის და ოქრო ქვეყნისა მის კეთილ და მუნ არს ანთრაკი (ამეთვისტო), და „ქვა მწვანე“ (იეშმი), „დასამშვენებლად კაცთა შესაქებ“... აქვე იყო გონიოს სამეფო ქალაქი მესხებისა „ანგილოთ“ წოდებული, ქსენეფონის დროს, აქვე მოგზავნა დიდმა ალექსანდრე მაკედონელმან თავის მოხელენი მხედრობით ოქროს წასადებელათ, რომელნიც მესხებმან ამოწყვიტეს!..

აკურთხე, უფალო, ეს ბათუმის ქალაქი ყოველი მისი მცხოვრებლებით და მის გარშემო ყოველ დაბა-სოფლების მცხოვრებნი სულიერის კურთხევითა შენითა!.. განზნებულნი შეუკრებენ შენს წმ. ეკკლესიასა; განყრილ-განშორებულნი შეუერთე ერთ სამწყსოდ და შეერთებულნი დაიცე, დაიფარე შენს წმ. მადლის სჯულსა შინა, შეუძვრულ შეურყევლად, რათა იდიდებოდეს მარად უკუნისამდე სახელი შენი წმიდა გამაბრწყინებლად წმ. ეკკლესიისა და დიდ სასიქადულოდ თავიანთ ტომ-მოდგმისა და ყოველთა კაცთა, ამინ.

მესხი ივ. მღ. გვარამაძე, „ვინმე მესხი“. 3 მაისს 1903 წ. ქ. ბათომი.

2 საათზედ, ნაშუადღევს ყველა დასრულდა.

კურთხევა ღღეს, ხუთ საათზე (ზუბალაშვილის ხარჯით) გაიმართა სადილი \*) ეპისკოპოსი ედუარდის პატივსაცემლად ქალაქის საბჭოს დარბაზში; ამ დიდებულს სადილზე მოწვეული იყვნენ ბათუმის ჩინებულნი, როგორც ქალაქის დაწესებულებათაგან, ეგრეთვე სახელმწიფოთაგან, არისტოკრატი, ვაჭარნი და მთელი სასულიერო კრებულნი; \*\*) სხვათა შორის დაესწრა ბათუმის ქალაქის თავი, გუბერნატორი, საფრანგეთის, იტალიის და ავსტრიის ელჩები და სხ.

სადილი ევროპიულად იყო გამართული იქ, სადაც ქართულ მრავალყამიერსაც მღეროდნენ. ითქვა ბევრი გრძნობიერი სიტყვები, რაიცა შეეხებოდა უფრორე, ყოვლად სამღვდელო ედუარდის საქართველოში მოგზაურობას, მისდა რწმუნებულ სამწყსო-ეპარხის საკეთილდღეოთ, თუ როგორ ააფრთოვანა სიხარულსა შინა მკვიდრნი კათოლიკენი თავისი მობძანებით. აგრეთვე შეეხებოდა სტეფანე კოსტანტინეს ძის ზუბალაშვილის გულკეთილობასაცა და მისგან უხვად გაღებულ მოწყალებას, რომელმანც აღაგო დაუფიწყარი ძეგლი ბათუმის ქართველ-კათოლიკეთა სასარგებლოდ... მათმა სამღვდელოებამაც სამაგიერო სიტყვის თქმა ისურვა, რითაც გამოხატა უმდაბლესი მადლობა

\*) მიწვეულ იყვნენ გარეშენი (არა მკვიდრნიც) სულ 150 სული.

\*\*) იმ ღღეს სადილი ას თუმნამდის დამჯდარა, როგორც ნამდვილ წყაროებიდგან გავიგეთ.

ყველა თავის პატივმცემელთათვის. მასთანავე დაამატა ბ. სტ. კ. ზუბალაშვილის გულკეთილობას და მის უხვს წყალობას, ბათომის კათოლიკეთა საბედნიეროთ, რომ ზუბალაშვილის მიერ აგებული საუცხოვო სტილის ეკლესია, უკანასკნელთ წილად ხვდათ, რომელიც საუცხოვო რამ არის მთელ რუსის სახელმწიფოში არსს კათოლიკეთა ეკლესიებ-შორისო. დაახასიათა, აგრეთვე ადგილობრივი ბუნების სიმშვენიერე და სიუცხოვე, რომელიც ხვედრათ მონიჭებია მკვიდრთ, ქართველთ მშვენიერი მთა-ტყე, ველი, ზღვა და მისთანა ბუნების სიმდიდრე-შვენება, რასაც მთელ დედამიწის ზურგზე ბევრი მოკლებულნი არიან ამისთანა ბუნების ხილვასა... საზოგადოთ, დაახასიათა მთელი კავკასიის სიმშვენიერე, რომელიც აღსავსეა ბუნებრივი საუკეთესო შეხედულობისაგან და მისი თვისებებისაგან, მაგ.: მორთულია ეს, ორ-ზღვას შუა მდებარე ლამაზი და კაპწია ქვეყანა თვალ უწვდენი შესანიშნავი მაღალ მთებისაგან, სადაც, ბევრგან მუდმივი თოვლ-ყინულით მობროლქყვრიანებულია მისი წვერვალეები... ბევრიც ხშირის ტყით მოცულია, რომელიც სიშვენის ელფერს აძლიერებს ბუნებაშივე, მაგ. კლდე, ღრე, ხევი, მინდორ-ველი, რომელიც ყველა ეს, მორწყულია საუკეთესო კავკასიური ცივი და კამკამი წყარო-ნაკადულ-მდინარეები... ბუღობს აქ მრავლისაგან მრავალი ფრინველ-ნადირნი, და სცხოვრობენ ორმოც და ათ-ნაირ მოდგმის სხვა-და-სხვა ტომის კავკასიელნი და სხ. დაახასიათა-ხალხის სილამაზე და სივაჟკაცე-სიმარდე და ჰაერის სისადეც... დასასრულ, დაახასიათა ქართველთა გულ-უხვი მასპინძლობა და დარბაისლობაც თავისთან მხიარულ გულის შეხვედრითა, და ინება პატივმცემელთათვის მადლობის გადახდაც თან.

მეორე დღეს, ე. ი. 5 მაისს აკურთხა ღვდლათ სამი მთავარ დიაკვანი და სამსაც მცირე აღსავალი მისცა; ამათივე დახმარებით 9 საათზე, დილითვე სწირა. ნაწირობევს კი აზიარა და მირონი სცხო 500 სულამდისინ.

მირონის ცხება 6 მაისსაც გაგძელდა უკანასკნელ დღეს, დილის 8 საათზედ სწირა და ნასაუზმევს, კიდევაც წაბძანდა დილისავე მატარებლით, 11 საათზე ქუთაისში.

სადგურიდგან აუარებელმა ხალხმა გააცილა მათი უსამღვდელოება თავის სამღვდელო კრებულთურთ. ბ. სტ. კ. ზუბალაშვილიც რიონის სადგურამდის მიჰყვა და იქიდგან კი თბილისში წავიდა.

ბათომის, ადგილობრივ ქართველ კათოლიკებმა წასვლის ხანს, მის უსამღვდელოებას მიართვეს სახსოვრად. ჩინებული საჩუქარი; ეს გახლდათ შვენიერი ვერ ცხლის ყდით მოჩუქურთმული ალბომი (500 მანეთად ღირებული) ალბომში მოთავსებული იყო: 1) ბათომის ახალი ნაკურთხი ზუბალაშვილის ეკკლესიის მოკლე ისტორია; 2) საქართველოს მოკლე ისტორია და 3) ქართველ-კათოლიკეთა მოკლე ისტორია, დაწერილი პეტრე მეფისაშვილის მიერ.

ამაში მოთავსებული იყო სტ. კ. ზუბალაშვილის, პატრიანსელმთა მღებრიშვილის და თვით ეპისკოპოსის სურათებიც.

### ქუთაისში მიბძანება ყოვლად სამღვდელო ედუარდისა.

ყოვლად სამღვდელო, კათოლიკეთა ეპისკოპოსი ედუარდი, ნაშუადღევს მატარებელით მობძანდა ქუთაისში, 2 საათზე. სადგურზე აუარებელი ხალხი დაუხვდა; იგი პირდაპირ ეკკლესიაში წაბძანდა, სადაც სამადლობელი პარაკლისი გადაუხადეს. მათმა სამღვდელოებამ სიტყვა ბძანა მირონის ცხების შესახებ, და შემდეგ მონასტერში გამობძანდა, იქ, სადაც ჰქონდა მისაღები ბინა.

ქუთათურმა ქართველ-კათოლიკობამ, საზოგადოდ კარგად მიიღეს და შესაფერი პატივი სცეს მათ უსამღვდელოებას. გაუმართეს ოფიციალური სადილი, სადაც მიწვეული ჰყავდათ ღუბერნატორი, ქალაქის თავი და სხვანი; მასთანავე ჰყავდათ მიწვეული ყოვლად სამღვდელო იმერეთის ეპისკოპოსი ლეონიდეც, მაგრამ, რადგან თბილისში მობძანდებოდა საქმეებისა გამო, სადილზე ვერ დაესწრო მათი მეუფება. სადილზე ბევრი სიტყვები ითქვა...

მეორე დღეს, 10 საათზე სწირა მათმა უსამღვდელოებამ და სამი მთავარ-კლირიკნი აკურთხა ღვდლათ, რომელთაც მცირე აღსავალი ბათომში მიანიჭა. აღსარება ათქმევია ბევრს, აზიარა და მირონი სცხო 500—600 სულამდის. აქ დარჩა 9 მისამდის; ხოლო, ამ დღეს კი, შუადღის მატარებლით წაბძანდა გორში. ქუთათურ კათოლიკობამ ეპისკოპოსი ფაიტონებით (გაისტუმრეს) და მიაცილეს რიონის სადგურამდისინ, სა-

ღორიით და იქიდგან-კი, დიდის ამბავით მატარებელით გაისტუმრეს. გასტუმრების დროს, სიტყვები უთხრეს მათ უსამღვდელოებას პეტრე სააკაშვილმა და იაკობ დათებაშვილმა ადგილობრივი ყვავილებისაგან შვენიერი თაიგულებიც მიართვეს. აქავე მოვიყვანთ ერთ-ერთს ამავე სიტყვასაც:

თქვენო ყოვლად უსამღვდელობავ,  
მამაო ეღუარდი!

ადამიანს თავის სიცოცხლეში ბევრი შესაჩნევი და სისხარულო დღე შეხვდება ხოლმე, რომელიც წარმოსდგება სხვა და სხვა მიზეზებისაგან; მაგრამ ეს უკანასკნელი სამი დღეა— ჩვენ სულ სხვა სასიხარულო დღეები დაგვიდგა: ჩვენ ველირსენით მას, რასაც ვერ ელირსენ ჩვენი საუკუნის მამანი და პაპანი... ჩვენ ველირსენით ნახვას უდიდესი სულიერი მამისას და სიხარული გაგვიორკეცდა; მით უფრო, რომ შესრულებულ თქვენ მიერ წირვაზედ ჩვენ ვისმინეთ სამშობლო ენა, რომელსაც ზოგიერთ გამოშვებულს დროს, (სხვა და სხვა მიზეზების გამო) მოკლებულნი ვიყავით... თქვენ, როგორც უმაღლესი სულიერი მამა, აღჭურვილი უმაღლესის ნიჭით, კარგათ გიგრძენით, რომ სარწმუნოების მტკიცე ნიადაგზე დასაყენებლად აუცილებლად საჭიროა სამშობლო ენა... თქვენ ასრულებთ,—რაც შეასრულეს თერთმეტმა მოციქულმა, როდესაც ქრისტე მაცხოვარმა მოუვლინა მათ სული წმიდა; წავიდნენ სხვა და სხვა ქვეყანაში საქადაგებლად, რათა ეცნოთ სახარება, ექოთ და ედიდათ ღმერთი იმ ენაზედ, რა ქვეყანაშიაც მივიდოდნენ...

თქვენისთანა სულიერი მამა ჩვენთვის ძვირფასია, საყვარელო ჩვენო მწყემსო! გთხოვთ და გვევდრებით, რომ არ დაგვივიწყოთ; და თუ შემთხვევა მოგეცეთ, კიდევ დაგვხედოთ, და ჩვენც, ვისურვებთ თქვენ სიცოცხლეს მრავალ და მრავალ ჟამიერ!

ეს სიტყვები ქართულათ ითქვა, ხოლო რუსულათ თარგმანი მიეცა პირად ეპისკოპოსსს.

პეტრე ზაქაროს ძე სააკაშვილი, 1903 წ. 9 მაის სად. რიონი (ქუთაისი).

რიონიდან მათ უსამღვდელოებას თან გაჰყვა ქუთაისის ცნობილი ვაჭარი სტეფანე ფეიქარიშვილი გორში, რომელმანც ვზაში (მატარებელში) შვენიერი სადილი გაუმართა ეპისკოპოსსა.

**გორში მობძანება მათი სამღვდელო ეპისკოპოსი ედუარდისა.**

9 მაისის, საღამოს მატარებლით მიბძანდა ყოვლად სამღვდელო ედუარდი გორში. სადგურზე ბევრი ხალხი დაუხვდა. გორელებმა სადგურიდან კათოლიკეთა ეკკლესიაში მიიღეს, სადაც სამადლობელი პარაკლისი გადაუხადეს; აქედგან-კი მონასტერში. აქ, მეორე დღესაც დარჩა. ეპისკოპოსმა მირონი სცხო ხალხს და სწირა ორჯერ. გორელმა კათოლიკებმა დიდათ მიიღეს ეპისკოპოსი და საუკეთესო მასპინძლობაც გაუწიეს დონ-გაბრიელ ასლანიშვილის მეოხებით. 11 მაისს კი გაემგზავრა, საღამოს მატარებლით მათი უსამღვდელოესობა თბილისში.

**თბილისში მეორეხელ, მობძანება ეპისკოპოსი ედუარდისა.**

11 მაისს, საღამოს მატარებლით მიბძანდა მათი უსამღვდელოესობა, თბილისში, სტ. კ. ზუბალაშვილის სახლში; (პირველშიიც აქ მობძანდა). მეორეხელ, პოლონელთა ეკკლესიაში სწირა ეპისკოპოსმა და მირონი სცხო ხალხსა. საზოგადოათ თბილისელ ქართველ-კათოლიკებმა დიდი პატივი სცეს, მაგ. 27 აპრილს, გაუწყეს ოფიციალური სადილები... უმასპინძლეს აგრეთვე ადგილობრივ თავად-აზნაურთაც შვენიერი (ოფიციალური) სადილის გამართვით მათ უსამღვდელო ედუარდს. ითქვა დიდად გრძნობიერი სიტყვები, (რომლის გადმოწერა ველარ მოვასწარით, რომ აქ დაგვებეჭდა) და სხ.

11 მაისს, მათი სამღვდელოესობა პოლონელთა წვეული იყო. ამ დღეს, ეპისკოპოსთან სადარბაზოდ ბძანდებოდა ჩვენი პროეტი, თავადი ილია ჭავჭავაძე. ეპისკოპოსი თბილისში 15 მაისამდის დარჩა და შემდეგ კი ლორისაკენ გაემგზავრა თავისი ეპარხიის დასათვალიერებლად.



ეპისკოპოსს ლორისაჲს თან წაჰყვენ ეკატერინოსლავის მღვდელი დონ-დამიანე სააკაშვილი ქართულ მოენეთა, სლავიანსკის მღ. ემანუილი და ყირიმის მღ. ა. საფარაშვილი სომხის მოენეთა. ხოლოდ დონ-ივანე ანტონიშვილი, რომელიც მოენობდა ბათუმს, ქუთაისს, გორსა და თბილისში, ის სართოვში გაბრუნდა თბილისიდან.

(რადგან ჩემისავე თხოვნით ყოვლად სამღვდლო ეპისკოპოსმა ედუარდმა ინება მოეწოდებია ჩემთვის თავისი მოგზაურობის ცნობანი ქ. (ახალციხეს 6 ივნისს), ამისათვის მის ნალაპარაკევეს და უბას წიგნიდან წაკითხულს მოვიყვანთ აქავე).

## ც ნ ო ბ ე ბ ი

ეპისკოპოსი ედუარდის ნამდვილი მანშტუტისა თავისი საკუთარი უბის წიგნიდან.

16 მაისს მოვედით თბილისიდან შანსაზაძში. ეს სოფელი კარგა დიდი ყოფილა და მაღლობზეა გაშენებული, მეტადრე ეკლესია, რომელიც უმაღლესს ადგილიდან გადმომდგარია. შენობა მიწისაა, უშნო და ულახათო. შიგ ნაგვით და ტალახით სავსე იყო. წვიმა თურმე თავისუფლად დის შიგა... უწმინდურობა საკურთხეველში მეტი ვნახე. ტრაპეზის საფენები გაურეცხავი იყო, საქენჭურებს გავდა. ტაბერნაკის მაგიერ უბრალო ყუთი ედგათ, სადაც სიწმინდე ესვენათ. გაჭირვებით გწირე აქა და ისე წავედით კუჩუმბახში (მუსლუხში), 14 ვერსზეა.

კუჩუმბახი (მუსლუსი). სოფელი მომეწონა მდებარეობის სიშენიერით და საბალახოების სიმდიდრითა. მკვიდრნი, თუმცა ხენა-თესვასაც მისდევენ, მაგრამ საქონელის მოშენება უფრო გავრცელებული ყოფილა აქა, რადგან მეტს სარგებლობას საქონლიდან უფრო ხედევენ... აქ ერთი გერმანელია, რომელსაც ბევრი საქონელი მოუშენებია და ყველაზე მდიდრათაცაა თურმე. რიგიან მდგომარეობაში აქაც არ გვინახავს ეკლესია, რადგან ესეც შაჰნაზარის ეკლესიას წააგავდა. იმ ღამეს, ისევ შაჰნაზარში გამოვბრუნდით; მეორე დღეს კი, 17 მაისს, დიდ

ყარაქილისაში წავედით და იქიდგან შიშატვაში და პატარა ყარაქილისში გადავედით.

**დიდი.ყარაქილისა, შიშატვა და ჰატანა-ყარაქილისა.** აქაური ეკკლესიებიც იმნაირათვე ვნახე, როგორც შაჰნაზარს და მუსლუხში, ოღონდ, გარედგან კი ესენი ირჩეოდენ წინანდელ ნანახი ეკკლესიებიდან იმით, რომ ამის ბანები მწვანე ბალახებით შემოსილი იყო და ზედ მეტათ კი სიბნელეც მეტი იყო შიგ... აქაური მღვდლები გაუნათლებლები ყოფილან პირველ მღვდლებსავით, მარა აქ ზედ მეტად-კი გარყვნილი ყოფილან და ხალხიც ზედ მეტად ზნეობით დაცემულნი. ცხოვრებაც დიდი სანაქებო არ უნდა ჰქონდენ-თვით თავეთებურ სისტემითაც კი. სახნავ-სათესი და საბალახოები კარგი ყოფილა და უხვიც. აქ მალაკნებიც სცხოვრობენ და შეძლებულათაც ყოფილან. ამათი ცხოვრება მკვიდრთ ცხოვრებაზე გაუმჯობესებულია, რასაც თვით მალაკნების შეწიერი შენობები და სუფთათ ჩაცმა-დახურვა ამტკიცებდა. მკვიდრთა გაუყვებრობა და ველურობა იმ ზომამდე ყოფილა, რომ სასაფლაოს ადგილები, რომელიც ყველგან წმიდათ დაცული აქვთ, აქ კი იჯარით სცემენ ხოლმე სახნავ-სათესათა.

აქედგან გზების სიკუდის გამო, სულ ცხენებით ემოგზაურობდით და სარჩაპეტს მივედით.

**საწიანეცის** ეკკლესია მარტო ნანგრევ კედლებისაგან შესდგებოდა, რომელიც გადაუხურავთ ზემოთ, ქოხსავით, წაუყრიათ ცოტაოდნე მიწა და მეტიც არაფერი. პირველ ნახვამე ნამეჩეთარი მეგონა; აქა-იქ ჩამონგრეული ყოფილა. უწმიდურობა ზომაზე გარე ვნახე, მეტადრე საკურთხეველში, რომელიც მეტის-მეტად უღირსოთ იყო დაცული. ხალხიც, მეტადრე ქალები სულ წითელ ტანისამოსში იყვნენ შემოსილნი; შორიდგან რომ ვახლოვდებოდით ამ სოფელს და წითელ სამოსლიანებს ვხედავდი, დიდი შთაბეჭდილება მეძლეოდა მე და ვმხნევედებოდი თან ცნობის მოყვარეობაში, ფვიქრობდი, რაცხა ნაციონალიზმია, აქ იქნება და აქ ვნახავ ნამდვილს ნაციონალურს ტანისამოსსა მეტქი, და დიდათ ვინტერესობდი ასეთი სურათის ნახვამე, მარა, რაც ვუახლოვდებოდი, თან და თან

აზრები მეცვლებოდა წინააღმდეგ ნაფიქრებისა, და სულ რომ ახლოს მივედით, სულ სხვა სურათი. დამიდგა თვალ წინ; დაშინდგა სისაძაგლე და სურათის სიწამხდრე; თურმე სულ უვარგისი ტანისამოსი ეცვათ და შეუხედავი; უმრავლესთ, სიძველით დახეული და დაფლეთილი ეცვათ და ასდიოდათ საძაგელი სიმყრალე, ასეთი რომ სულს ვერ ვითქვამდი თავისუფლადა. ეს სულ მათი სიბინძურის და უწმინდურების გამო ყარდნენ; მე ჩემი თავი მეგონა ნადირებში, ხოლო არა გარეულთა, არამედ შინაურთა შორის. აქედგან ჯანდარს წავედით (სადგურზე), და იქიდგან მატარებლით ალექსანდრებოლს მივედით, 21 მაისს.

**ალექსანდრეზოლი.** აქ ხუთშაბათი დღე ვიყავით და წავედით ჯერ თაფაღოვლავს და შემდეგ ქავთარლს.

**თაფაღოვლა.** აქ ეკლესია ახალი ჰქონიათ, მაგრამ გრიგორიანების სტილისა. სიბინძურეს თავისი ადგილი — ახალ ეკლესიაშიაც ჰქონდაო, მარა ჩემ მიერ ნახულს ეკლესიებს კიდევ ეს შენობა სჯობდა.

**ქავთარლი.** როგორც დაფაღოვლაგი, ისე ქავთარლი უდაბნოს წარმოადგენდა, რომელიც მოკლებული ყოფილა, ტყეს, ბაღებს და ბალახებსაც-კი, სულ სილით მოცული ყოფილა იქავრობა. ერთს მდიდარს, გვარად ნახაპეტოვს, პოლოსას მოუშენებია შვენიერი ბაღი და ბოსტანი დაუთესია, რომელსაც სარწყავი წყალი შორიდგან, თხრილებით გადმოუყვანია აქეთ მხარეში. ამის მიხედვით მკვიდრთაც დაუწყვიათ ასეთივე სასარგებლოს მოშენება, და რომ დავინახე იმ მოტიტვლებულ უდაბნო ბუნებაზე მწვანე ბალახი და ხეები, გული ვარდსავით გამეშალა მეტის სიამოვნებისაგან... აქ, თუმცა ეკლესიას ახალს აკეთებენ, მარა ძველიც ქონიათ-კი, რომლის დასახელება მეტიცაა, რადგანც ახალი ეკლესიის ნახვაც კი არა სასურველი ყოფილა აქეთ, თვარა, სადღა დარჩეს ძველისა; რასაკვირველია, სიბინძურისა გამო და უღირსად მოპყრობა ღირსეულ წმიდათა სიწმიდისა. აქედგან მუსლულში წავედით. გზა სულ მაღლა-მაღლა ვიარეთ; თუმცა ცუდი სასიარულო გვქონდა, მარა მწვანეზე-კი იყო. ეკლესია აქაც ცუდ მდგომარეობაში იყო. აქედგან ყირხში წავედით.

ყანას ეკლესია ყველაზედ ცუდს მდგომარეობაში ვნახეთ, რადგანაც იქაურებს ლოთი ღვდელი ჰყოლიათ. აქედგან ძითიანგში წავედით, ანუ ბეზარხანაში.

**მათიანგა ანუ ბეზარხანა.** ეს სოფელი ძლიერ დიდი ყოფილა; მის ნახევარი კი გრიგორიანებით ყოფილა დამოსახლებული. ეს ორი მორწმუნე: კათოლიკე და გრიგორიანი სომხები სულ იბრძვიან, ჩხუბობენ და უსიამოვნობენ თუ რაზე, ეს გამოურკვეველი ყოფილა მათთვის; უფრო-კი, შური და მტრობა უნდა იყოს და ერთი მეორის გაუტანლობა... და ამ მხრივ, მართლაც „ბეზარხანა“ ყოფილა აქ. აქაური ეკლესია ერთბაშად მიწაში ყოფილა; რომ შევედი თუ ჩავედი, ისე შემეშინდა, რომ მეტი არ შეიძლებოდეს; მით უფრო—რომ გარეთ ძალიან წვიმდა და ღვარები ჩამოგრივლებდა... აქედგან ისევ ალექსანდროპოლში მივბრუნდით, ყარსში წასასვლელად. ღამის ათ საათამდის ძლივას მივალწიეთ წვიმის გამო, როგორც იყო სადგურამდისინ, მარა მატარებელს გაესწრო და ჩვენ პირდაპირ თავისუფალს ვაგონში შევედით. წავივახშმეთ პატარა და ამასობაში საქონლის მატარებელი მოგვიბეს და „ტრ-ტრ“ გავწიეთ... ორი საათიდგან წასულნი დიდის 10 საათზედ ყარსში მივედით.

**ყანსი.** აქ დიდის ამბით მიგვიღეს. სადგურიდან ეკლესიაში წავედით და ვწირე. აქაურმა კათოლიკობამ ოფიციალური სადილი გაგვიმართეს, სადაც ღუბერნატორი, ქალაქის თავი და სხვა და სხვა დაწებულებათა მოხელენიც მიწვეული ჰყავდათ. მეორე დღეს, ერთმა მდიდარ შეძლებულმა კერძო პირმაც გაგვიმართა ამნაირივე სადილი იმავე სტუმრებითურთ. ყველა სულ კარგად გვეპყრობოდა და პატივს გვცემდენ, მარა მე, კულ-მოწყვეტილი მელასავით წაყურებული ვიყავი ამაებზე... ერთი სიტყვით, სულ უგუნებოდ ვგრძნობდი თავს, რადგან ჩემი ეპარხია არ იყო; სითამამეს სრულებით მოკლებული ვიყავი... ვინახულე აქაური სკოლაც, სადაც ბევრი შეგირდები იყვნენ. სკოლის მოწყობილება ულახათო და უხეირო იყო, სადაც შევნიშნე, რომ სწავლაც იმგვარივე უხეირო უნდა ყოფილიყო. ამ შენიშნამ ცუდი შთა-

ბექდილება მოახდინა ჩემზე, უფრო იმიტომ, რო შესაბრალო-  
სად მივიღე იმოდენა მოზარდი წვრილ-ფეხობა, იმ ცარიელა  
სასწავლებელში, რადგანაც ნაყოფს ვერას მიიღებდნენ მო-  
სწავლენი. სჩანს, ხალხი თვით გაუნათლებელი ჯნდა ყოფილიყო  
იქ, რო სკოლის ყადრი და წარმოებაც არა სკოდნიათ. სკო-  
ლის შენობა და მონასტრისა მაღალს კლდეში ვაშენებუ-  
ლი ყოფილა. ეკლესია მომეწონა აქა და დიდიც ქონიათ.  
მეორე დღესაც, დიდის ცერემონიით ვწირე და გავწიე ალექ-  
სანდრეპოლისკენვე, უკან, საღამოს მატარებლით. სადგური-  
დგან დიღმა ძალმა ხალხმა გამოგვაცილა... გუბერნატორიც გა-  
მოგვყვა სადგურზე.

**ალექსანდროპოლი.** აქ შეენიერი ეკლესია აქვთ და დიდიც.  
ამაში დიდის ცერემონიით ვსწირე. მკვიდრთ კარგად მიგვიღეს  
და ოფიციალური სადილიც გავვიმართეს. დღე, ორშაბათი  
იყო. აქედგან ყარაქლისაშიაც მივედით და ბოლოც ეს იყო  
ლორისა და ალექსანდროპოლის სადეკანოებისა.

**ყანაქაღისის** ეკლესიაც ცუდათ ვნახეთ; აქედგან ახალ-  
ქალაქის სადეკანოსაკენ გავსწიეთ და **შალუტლს** მივედით; აქ  
შენიერი ეკლესია ქონიათ. მღვდელი კი დიდი მოლაპარა-  
კე ჰყოლიათ, რომელმანც ბევრი საყვედურები მომაყარა ქარ-  
თველ-კათოლიკეთა მღვდლებზედ; მეტადრე ივ. გვარამაძეზედ,  
რომელიც ეკლესიაში არ გვიშვებს საწირავათაო, რაიცა სიცრუე  
გამოდგა. აქედგან მამღლა-მადლა გავსწიეთ და მივედით **შაშთა-  
ფას**. ეკლესიას არა უჭირს რა აქა და გზებიც კარგი ჰქონია;  
აქედგან გზა-ტყეცილით გავსწიეთ და მივედით **ყაიყული ყანანჯში**.  
ეს სოფელი მაღლობზეა გაშენებული. აქ ახალი ქვის ეკლეს-  
სია შენდება. კედლები უკვე აყვანილი იყო, მხოლოდ სახუ-  
რავი აკლდა. აქ 800 სულამდის მცხოვრებელია. აქვთ პატარა  
ეკლესიაც, მარა 30 სული ძლივს დაეტევა შიგა. ამ პაწაწი-  
ნა ეკლესიას ფანჯარაც არა აქვს,—ბნელა; საკურთხეველი  
კი კარგი ჰქონია, —შენიერად ნაგები და მოწყობილი. აქ  
ვწირე და წავედით აქედგან წვრილ სოფლებში: **ყანბუქაღს**  
და **ქანაღბინს**.

**ყანბუღაღში და ქადაბიარში** ეკლესიები არა ჰქონიათ; წირვა-ლოცვას ასრულებენ სამლოცველო სახლებში, რომლებიც მეტად ბნელი ყოფილა და მივარდნილ მიწაში აშენებული. აქედგან **დაწაქვეკში** წავედით. იქ ეკლესია კარგი იყო, საკურთხეველი კი ცუდი... აქედგან, სამ ვერსის მოშორებით გაიშლება შვენიერი საბალახოები, სადაც ზაფხულობით სხვა და სხვა სოფლებიდან საქონელს მოერეკებიან თურმე საბალახოთა მეზობელნი სოფლელნი, უფრორე **თაფანთლახანდგან**; აქედგან **თათლახანას** მოვედით. აქაც ეკლესია არ ჰქონიათ და უბრალო მიწურს სამლოცველო სახლში ასრულებენ წირვა-ლოცვას. ეს სოფელი ახალქალაქის და აღექსანდროპოლის მაზრების საზღვარს შეადგენს (ორ ვერსზე). აქედგან გზატკეცილით გავსწიეთ ეშტიისკენ. ყველგან ტბები, ქაობი და ცუდი ტალახიანი ადგილები ყოფილა.

**ეშტია** დიდი სოფელი ყოფილა, რომელიც შაჰნაზარს არ ჩამორჩება სივრცით. აქ დავბინავდით ღამე. მეორე დღეს, დილით ვსწირე. ეკლესიას არა უჭირს-რა, საშუალო პარობებშია მისი ყოველივე მდგომარეობა. ადგილმდებარეობა ცუდი არ იყო, მარა წვიმამ კი გემო არ გვიჩვენა. სიცივე საგრძნობელი იყო, თუმცა თბილათაც გვეცვა ტანთ. მეტადრე ცივმა ქარმა დაგვალურჯა (ქარი უწყვეტლივ ქროდა ნაავდრზე). აქედგან წავედით ახალქალაქისკენ, მივედით უჯმანას.

**უჯმანა** პატარა სოფელი ყოფილა და პატარავე შესაფერი ეკლესიაც ჰქონიათ. ეკლესია კარგია. აქედგან **თაღილს** მივედით, რომელიც ვერსნახევრზე ყოფილა. აქ, 1899 წლის, მიწის ძვრისაგან დანგრეული ეკლესია ქონიათ და ამის გამო წირვა-ლოცვას სამლოცველო სახლში ასრულებენ. აქედგან ბაგრაში წავედით სულ ქვეით-ქვეით ვმგზავრობდით ზემოდგან.

**ბაგრა** დაბალზეა. ღვდელი არა ჰყავთ და ხულგუმოელი მღვდელი უვლის იმათ. ეკლესია კი ორი ქონიათ. ორივეს არა უჭირს რა, თუ რომ თვითონ კარგი იყვენ. საკურთხეველი ბინძურათ იყო დაცული, აქედგან **ხულგუმში** წავედით და იქიდგან **კანტაკამში**.

**კანტაკამში**. კარტიკამში მისვლამ ცუდი შთაბეჭდილება მოახდანა ჩემზე, რადგან ყველა ისე დაწუნებულ ჩემ მიერ

ეკლესიებზე უარესი ცუდს მდგომარეობაში მყოფი ეკლესია აქ დამხვდა. ეკლესია ეკლესიას არა ჰგავდა; რომ შევედი შიგ; აგერ ჩამონგრეული, იგერ ნაგვების გროვა, კიდევ აგერ ტალახი, ტბა, მეორე კუთხეს სიბნელე, ტრაპეზის სიბინძურე და საზოგადოთ საკურთხევლის საკურთხევლოობის არგვანება; ტაბარნაკი არ ქონდა და ვკითხე აქაურს მღ. იაკობ იგინხანოვს, სიწმინდე არ გისვენია, რატომ უტაბარნაკოთ გაქვს ეკლესია მეთქი? მან ტრაპეზს ზემოთ კიდობანსავით დადგმული ყუთი მიჩვენა, რაზედაც ცალ კუთხეზე სიწმინდე ჰქონდა დასვენებული, ისიც თავდაუხურავათ და მეორე მხარეს კი ჯვარცმა...

ნახეთ, მღვდელი 46 წელიწადია აქ მსახურებს, 1,160 სულ მცხოვრებ შორის, დაბერებულა, და არ იცის საკურთხეველი როგორ შეინახოს, და ისიც რომ სიწმიდე ყუთზე არ დადგმება და მერმე პირლიაში; ნაცვლათ ახალი ეკლესიის აგებისა რაცლა ქოხი ქონიათ, იმასაც ანგრევს და უწმიდურათაც და უღირსოთ ინახავს... მეტადრე ტრაპეზსა, რაზედაც გაურეცხავი და გაჭუჭყიანებული ჩაყვითლებლი საფენები ეფინა, ერთ სიტყვით, ყოველივე მღვდლურის ზრუნვას მოკლებული ჰქონია თავისი ეკლესია და მოვალეობა; მას მხოლოთ უზრუნია თავის ოჯახისთვის, რომელსაც გაუკეთებია კარგი სახლი და კარი; შეუძენია ხარ-კამეჩები და მიწა-მამულები; უზრუნველ უყვია თავისი ოჯახის საქმე და ცოლ-შვილი ხოლო აუცილებელი წმიდა მოვალეობა სასულიერო მამობისა კი გაუქელია ფეხ-ქვეშ, მერმე და ნახევარ საუკუნის განმავლობაში ნამსახურს, ერთ ადგილზე ადამიანსა... ერთი სიტყვით, გაკეთების მაგიერ, სულ გაკეთებულის უქცევია და წაუხდენია. ვერ ვწირე აქ სიბინძურის გამო და წაველი საწირავათ ვაწეგანში. აქ ეკლესია კარგი სტილისა ყოფილა, მომეწონა, მარა სიწმიდე დაცული ერთიანათ არ ყოფილა. ვწირე, ვისაუხმე და წავედი ვარგავში.

ვანგავი პატარა სოფელი ყოფილა 20 მოსახლეთურთ, აქ ორი სამი ქართველი მართლ-მადიდებელიც ყოფილან. აქაურები უეკლესიოთ ყოფილან, მარა წირვა-ლოცვას სა-

მლოცველო სახლში ასრულებენ. ეს შენობა მეტათ დაღუ-  
პული ყოფილა ყოველიფრით და წირვა-ლოცვაც ძვირათ  
ქონიათ თურმე, რომელთაც ხიზაბავრელი მღვდელი უვლით;  
გვიან-გვიან ნახულობს თურმე ვარგავს მოძღვარი; აქედგანვე  
იმ საათში ხიზაბავრაში (მივედით 4 ვერსზეა).

**ხიზაბავრა** მეტად შვენიერი ყოფილა. სოფელი მალღობს  
გადასახედზე გაშენებულია, მეტადრე ეკკლესია. წინ მინ-  
დორი გაშლილია სულ სახნავ-სათესი და უკან კი უმაღლესი  
ქედები ქონია მოკრული ამ სოფელს. აქაური ეკკლესია ახალი  
ყოფილა და დიდიც. ძალიან მომეწონა ყველა ჩემ მიერ ნა-  
ხულ, სომეხთ რიგის ეკლესიებზე უფრო, მარა სტილი ვერაა  
სანაქებო. შიგ მომეწონა მეტადრე საკურთხეხველი, რომე-  
ლიც წესიერად დაცული ყოფილა სისუფთავით და ღირსე-  
ულად ყველა თავ-თავის ადგილას. ეკკლესიაში ხატები ბევრი  
ყოფილა. მიმიღეს დიდის სიხარულით და კარგათ. მეორე  
დღეს, 1 ივნისს, დიდის ცერემონიით ვსწირე უშველებელ ეკ-  
კლესიაში, ვაზიარე 200 სულამდის და ნასადილევს გავსწი-  
ეთ ალასტანში.

### **ხიზაბავრაში მიბძანება ეპისკოპოსის ედუარდისა.**

ორიოდე სიტყვით მეც განვამარტებ ეპისკოპოსის ყოფ-  
ნას ხაზიბავრაში, რადგანაც მე თვითონ დავესწარი მათ მეუ-  
ფების მობძანებაზე.

ახალი ნაშუადღევი იქნებოდა, რომ მაღალს, ვარგავის  
უღელტეხილიდგან გამოჩნდა ეტლები, რომელთაც წინ 2) —  
30 ცხენოსანი მიუქროლებდა. ეს ცხენოსანი ხიზაბავრე-  
ლებივე იყვნენ, რომელნიც ეშტიას წინა დღიდგანვე შეეგებნენ  
ეპისკოპოსს. მამა მიხეილ ვარძელაშვილმა თვისი მგალობლები  
შვენიერად გამოაწყო, მეტადრე ყმაწვილები, რიცხვით თორმე-  
ტი, რომელთაც ყვავილები ხელთ ეჭირათ და უფენდნენ წინ ეპის-  
კოპოსსა, მთელი სოფლის სივრცეზე, სადაც ეპისკოპოსს უნდა  
გამოეარა; აქ-იქ გზის ორივე მხარეს, ვერს ნახევარზე, ქალი და კა-  
ცი დაჩოქებული იყვნენ რომელთა შუა დაფენილი იყო მწვანე  
ბალახი და ზედ კი ღინღილო, სოსან-ყაყაჩო მოყრილი და ასე დი-



დებით გამოატარეს ეპისკოპოზი ყვავეილების ყრით ეკკლესიამდი. ეკკლესიაში გადიხადეს სამადლობელი პარაკლისი და შემდეგ ბინად თავის სახლში მიიღო მღვდელმა, რომელიც საუცხოვოთ, აზიურათ ჰქონდა მონოხალიჩებული და სუფთათ. იმ დღეს დიდებული სადილი მიართვეს (ვეროპიულად) მათ მეუფებას და ისევე მეორე დღეს. ითქვა სადილზედ ბევრი გრძნობიერი სიტყვები; სხვათა შორის წარმისთქვა მამა მიხეილ ვარძელაშვილმა, ათაბეგოვმა, ალექსანდრე ხუციშვილმა და კ. გვარამაძემ. სიტყვები შეეხებოდა, უფრორე იმ უზომო სიხარულს მკვიდრთადმი, რომელიც მათი მეუფეობის მობძანებით გამოწვეულ იყო; თან უსურვებდნენ ხშირად მობძანებას წეს-რიგის დასაცველად, მის სამწყსოს შორის და დასამშვიდებლად ქართველ კათოლიკეთ, და სომეხ-კათოლიკეთ, ურთ-ერთ შორის გამოწვეულ უწყსოებისა გამო... მოვიყვანთ აქავე კონსტანტინე გვარამაძის მოკლე სიტყვას, რომელიც სადილზე მოახსენა მათ უსამღვდლო ეპისკოპოზს.

### მწყემსო კეთილო!

თქვენმა ფეის შემოდგამამ ჩვენს ქვეყანაში დიდათ აღაფრთოვანა მკვიდრნი კათოლიკენი, რომელნიც უხსოვარ დროიდგანვე მამა პაპით ჩვეულნი — დარწმუნებულნი იყვნენ ეღირსებოდნენ თავეთი მწყემსთ-მთავრის ხილვას, და ა, თქვენმა — მობძანებამა ამიტომ მიგვცა დიდს ნეტარებასა.. გვანეტარა მეტადრე თქვენმა გამომეტყველმა სახის ხილვამ, საიდგანაც ნათლათ გამოსჭვრის და გამობრწყინავს უმოწყალესი კაცთ მოყვარული სათნოება, რომელიც დიდს იმედს იძლევა, რომ მოუღებს ბოლოს ჩვენს დაუბოლოვებელს ქართველ-კათოლიკეთ და სომეხ-კათოლიკეთა შორის ატეხილკამათს და უკმაყოფილებას, რომელიც ზნეობრივათ გვცემს ჩვენ ორთავ, და, გვაუბედურებს სული კერძოთაც-კი... იმედია, თქვენი მამობრივი უმოწყალესი კაცთ-მოყვარეობა მიაქცევს ყურადღებას ამ აუტანელს და დამცემს გარემოებას და გვიხსნით ჩვენ ორს ბედშავ და ბედკრულთ ამიერ შეწუხებისაგან და იმიერ სულის წაწყმედისაგან, რისთვისაც ჩვენ ქართველ-კათოლიკენი დავალებული ვიქნებით ვიყოთ მუდამ თქვენი მღცცველი \*).

მესხი კონსტანტინე ივანეს ძე გვარამაძე; 30 მაისს 1903 წ., ს. ზიზბაგრა.

\*) ეს სიტყვა ქართულათ ითქვა, მარა ნათქვამი რუსულად ეპისკოპოზს მიერთვა, რომელიც მანვე წაიკითხა და სამაგიერო პასუხათ ინგბა შემდეგი სიტყვის თქმა. იხილე აქავე სიტყვის თქმა.

კ. გვარამაძის პასუხად

სამაგიერო უსამღვდელოესობის სიტყვა.

მე დიდათ ვაფასებ, ჯერ ერთი რომ ჩემს მოგზაურობას აძლევთ მნიშვნელობასა და მეორეთ იმიტომ, რომ ცნობის მოყვარეობით აღჭურვილი ყოფილხართ ყველა ქართველნი და დიდი დაკვირვებულნი თქვენი ცხოვრების სიავ-კარგის მსვლელობაზე; ეს იმის ნიშანია, რომ შეგნებული ყოფილხართ და სწავლა-განათლების სხივი გდევთ, რის შეძენასაც ორივე ხელით ეწაფებით; მეტად სასიხარულოა და საამო ეს ჩემთვის... მხოლოდ სამწუხაროა-კი, რასაც ამოსტირთ და ამოჰკენესთ გრძობიერად... მე, კაი ხნიდგანვე მესმის თქვენი, ქართველ და სომეხთ შორის უსიამოვნება, რასაც საშინლად ვსწუხვარ და აი, სწორეთაც ამ მიზეზებითა ვარ მე ამ ჩემ ეპარხიაში წამო-სული, რომ მივცე ამ ნაკლულებას რაიმე საშველი. სულ არა იყოს რა, ჩემს აქ მოგზაურობას ის ნაყოფი ექნება სამერმი-სოდ, რომ, ამ ერთ საქმეს მაინც საბოლოოდ მოუღებ ბო-ლოს ორივეთა სასარგებლოდ; ეს ასეცაა, მარა თავი და თავი ამ საქმისა ისევ თქვენით მოხდება. ექვს გარეშეა, თქვენ თუ მშვი-დობით და ტკბილათ იქნებით, უთუოდ თქვენ თქვენს ენას მოიპო-ვებთ, ე. ი. რასაც ეძიებთ და სომეხნიც კი თქვენ საკუთრებას (ენას) ვერ წაგართმევენ; ეგეთი ბრძოლა კი თქვენ, ორთავ გაფიწყებთ დედა აზრს თქვენი საქმის განვითარებისას... მე კი ყოველ შემთხვევაში მზა ვარ უუამდგომლობის გაწევისათვის, სადაც ჯერ არს; სრული იმედიც უნდა ვიქონიოთ ღვთით, რომ ყველა იქნება წესიერათ, ხოლო აჩქარება კი დაგვაგვიანებს!..

ვისურვებ, ბ-ნ გვარამაძის სიტყვის და სურვილის გან-ხორციელებას! (აიღო ღვინით ჭიქა და მარცხნით მღ. ა. სა-ფარაშვილს\*) და ემანუილს მიუწკარუნა პირველად და შემ-დეგ ყველა დანარჩენთ).

ეპისკოპოსმა წასვლის დროს, დიდი მადლობა გამოუცხა-და მღ. ვარძელაშვილს და ხალხს, რომ ერთმანეთის დახმარე-ბით შეენიერი ეკლესია გაგიკეთებიათო, რისთვისაც დიდი

\*) მღ. საფარაშვილი ქართველია (ძველათ ხიზაბავრელი) და ახლა კი სომეხობს; ეს ეპისკოპოსმაც იცოდა. კ. გ.

მადლობელი ვარ თქვენი და მეორე მადლობასავე გიცხადებთ, რო ჩემი მოსვლა გაიხარეთ, რომელიც დავიპტიციე მითი, რომ ახსარებით შემეგებენით და ყველამ იზიარეთ თავი ჩემგანო; ამისთვის მეც არ დავივიწყებთ თქვენ, რასთვისაც გადაგხატამთ ყველას. დადექით, გამოსაჩენ მადლობ ადგილზე... უთხრა, გახსნა აპარატი და გადახატა ყველანი. წასვლის დროს გამოგვემშვიდობა, ჯვარი დაგვწერა ყველასა და წაბძანდა. ხიზბავრელებმა სოფლიდგან სულ „ვაშას“ ძახილით და თავეთი ცხვრული ქულების მალლა სროლით გააცილეს სოფელს და იქიდგან მეცხვარეებმა და მებრეებმა ვარგავის საზღვრამდისინ მიაცილეს; ხოლო ცხენოსნები ალასტანამდინ გაჰყვნენ; მღვდელი ვარმელაშვილი კი ბაკურიანამდინ, ე. ი. ჯავახეთის საზღვრამდის.

ალასტანა. ალასტანის ეკკლესიის 1 ტილი მომეწონა; იმ ლამეს იქ დავრჩით. მეორე დღეს, ორ ივნისს ვსწირე, კისადილეთ და წავედით ტურცხს.

ტურცხას ეკკლესიაც დიდი სანაქებოდ არ მინახავს, მარა არც ისე დაქვეითებული იყო, როგორც სხვა ეკკლესიები ვნახე სუსტათ. აქედგან ბაკურნისკენ გავსწიეთ. იმ ლამეს ცხრა წყაროს მადლობს სადგურზე გავათიეთ; მეორე დილას, 3 ივნისს შეუდექით ბაკურიანის უღელ-ტეხილის შეღმართსა. დილის საათის 4 არ იქნებოდა კიდევ, რომ შეუდექით აღმა-აღმა: მე, საფარაშვილმა, სააკაშვილმა, ემანუელმა, ვარძელაშვილმა და სერაბინმა (ახალციხის მღვდელმა). ყველანი მალე დაილაღენ. მე და სერაბინი კი, ისევ მივექვშვინებოდით აღმა-აღმა მთისკენ როდესაც ჯერ მზე კიდევ ამოსული არ იყო. როგორც იყო ავედით უღელ-ტეხილის წვერვალზე, მარა ჩვენც ჩვენი კი გავათავეთ!.. ჩემზე უფრო მუხლ-მაგარი სერაბინი იყო, როგორც ახალგაზდა, ის უფრო ჩემზე უკეთესად, ადვილად და გაუჭირვებლივ ავიდა, მარა არც მე დავარდნილვარ ისე, როგორც ჩვენი მხლები მღვდლები დაეცნენ; იმათ მაინც ვაჯობე მე მოხუცმა (51 წლის კაცმა).

ჯერ ნისლის ბუნდოვანობით მოცული იყო მწვერვალი უღელ-ტეხილისა და ამიტომაც შორეულ ბუნებას ნათლად

ვერა ვხედავდით კიდევ, მზის ამოსვლისათვის უნდა დაგვეყუ-  
რა. სიცივე მეტად საგრძნობელი იყო ჩვენთვის; თბილათ  
ჩაცმულიც ვიყავი ზამთრის ტმნისამოსში, მარა მაინც გვა-  
კანკალებდა; ცეცხლზე გათბობა ერთათ ერთი სასიამოვნო  
იქნებოდა, ისე შეგვცოვდა, მეტადრე მაშინ, როდესაც მგზავ-  
რობიდან კარგა შევისვენეთ.

მზეც როდესაც ამოვიდა და ბუნდოვანობა გაჰფანტა, და-  
ვინახეთ მთელ გორიზონტზე ჩვენ წინ, მაღალ-მაღალი კავკა-  
სიის მთები და ქედები, რომლებიც თოვლით შემოსილიყვნენ;  
მაგ. ელბრუსი და ყაზბეგი ჩრდილოეთზე და აღმოსავლეთზე  
კიკასპის მხრის ქედები. ბუნება მთისა, მეტადრე დილისა შვე-  
ნიერი და საამო იყო ივნისის პირველ რიცხვებში; იმ ზომ  
მომეწონა, რომ აპარატით გადავიღე „ზაფხულის მთის ბუნება“.  
იქიდან გადავედით „ცხრა-წყაროს“ ხევში, დაბალზე. აქ ვნახე  
აქეთ; შვიდამდის წყარო, იქით ტბა დიდი და მას შემდეგ ორი  
წყარო კიდევ. „აი, ცხრა წყარო“ მეთქი, დავიძახე: ერთი,  
ორი, სამი, ოთხი, ხუთი, ექვსი, შვიდი, რვა და ცხრა; სწო-  
რედ აქედგან უნდა იყოს „9 წყარო“ დარქმეული მეთქი...  
ბაკურიანის სიშვენემ შვეიცარიაში აღბეებზე მოგზაურობა გა-  
მახსენა... არ ჩამორჩება ბევრი აქაური სურათები შვეიცარიის  
შვენიერს სურათებსა... აქედგან მივედით ბაკურიანის სადგურ-  
ზედ და იქიდან ბორჯომს გავწიეთ მატარებელით.

**ბორჯომი** შვენიერი კატარ-ნარი და ალაგ-ალაგ ნაძვ-ნა-  
რი ადგილი ყოფილა. სულ ხეობაა, რომელიც მაღალით-მაღალ  
ქედებით მოცულია, ის ხევი, სადაც მტკვარი მომდინარეობს; აქ  
ერთ ღამეს დავრჩით. ვიზიტი გაუკეთეთ „ველიკი კნიაზს“  
დიდს ნიკოლაი მიხაილის ძეს, რომელმაც დიდებით და თავ-  
დაბლად მიგვიღო (3 ივნის).

აქედგან ახალციხისაკენ გავემგზავრეთ, ხეობით, 4 ივნისს  
ნაშუადღევს. (ახალციხის ეკლესიები კი აღარ დამიწერია.  
რადგან მე მითხრა: თქვენც კარგად იცით და რაღას გაწერიებ-  
თო). აქედგან, 6 ივნისს წავედით და მოვიარეთ:

**სხვიღისი.** ნახევარ საათს დავრჩით. ეკლესია ახალი ყო-  
ფილა; არა უჭირს-რა; აქედან **ნიოხტებს** მივედით, შემდეგ

წყალ-თბილას, აბათხევს, აქ ვისადილეთ; შემდეგ წინუბანს და ბოლოს კი ვაღეს და იმავე დღეს, საღამოთი, ახალციხესვე მოვბრუნდით. ვალის ეკლესია შვენიერი ყოფილა, შიგაც არა უჭირს რა, მარა \*) მღვდელი სტეფანე ზაქარათი მეტად დაბერებულია, რომელსაც ერის შევლა აღარ შეძლება. დანარჩენი ეკლესიები კი ვერ იყვნენ კარგა დაცული, ბევრი ნაკლი ჰქონდა.

ხვალ კი წავალ უდეს და აწაღას, იქ, ღვთით, ვწირავთ და ვისადილებთ და მერმე აბასთუძანში მივალთ, — დავრჩებით ორ სამ დღეს. აქედგან უღელ-ტეხილით ბაღდადსკე (იმერეთით) წაღის სადგურს მივალთ და იქიდგან თბილისისკენ გავემგზავრებით, სადაც რაოდენიმე დღეს დავრჩებით და იქიდგან სამხედრო გზით კავკასიით მოვიარ ჩნდილა კავკასიასად, სადაც ერთ თვეს კიდევ დავყოვნდები და შემდეგ სანათოვისკენ გავემგზავრებით ღმერთის შეწევნით.

რა დაასრულა თავისი მოგზაურობის ამბავი, მაშინ შევეკითხე მე, თქვენო უსამღვდელოებავ, როგორ მოგეწონათ კავკასიის ბუნება და ან რა აზრის ბძანდებით შვეიცარიის ბუნებასთან, შედარებით, რომელი სჯობიან, კავკასია თუ შვეიცარია მეთქი? მიპასუხა: კავკასია ბუნების სიმშვენიერით და სიმდიდრით არ ჩამორჩებოდა შვეიცარიის ბუნებას, თითქმის აჯობებდა კიდევაც, თუ რომ, თვით კავკასიის მკვიდრთ არ დაემახინჯებინათ კავკასიის, ადგილობრივი ბუნება, მაგ. აქ გაუჩენიათ და მოუსპიათ ბევრგან ტყე გამრავლების მაგიერ; გაუშენებიათ შვენიერადგილას იმისთანა უშნო ტალახ-მიწის სახლი რომელიცერთიანათ აუშნოებს აქაურობას და ამახინჯებს ბუნებას; ზოგან კიდევ საბალახო ადგილები დაუხნავთ დასათესად და მისთანობა... ასე, ამ გვარობით კავკასიის საუკეთესო შეხედულობა მთლათ დამახინჯებულა. შვეიცარიაში კი რაცაა ხომ მშვენიერი შეხედულობისაა და რაც ბუნებით უშნო შეხედულიყოფილა, ის ადამიანის ხელს ისე დაუმუშავებია და გაუშვენიერებია, რომ ბუნების სიმშვენიერეზე უფრო წაუჯობნია. ასე

\*) მღ. სტ. ზაქარათი კიდევ გადაიცვალა იმავე თვეში, 25 ივნისს.

ამგვარად ვიტყვი, რომ კავკასიის ბუნება ბევრად ჩამორჩება შვეიცარიის ბუნებასა შვენიერებაში.

განვაგრძობ ისევ მე და განვამარტებ ეპისკოპოსის მოგზაურობასა იმასაც, რაც თვით აღარ უამბნია და მე-კი კარგად ვიცი მისი სინამდვილე. დავიწყოთ ახალციხეში ეპისკოპოსის მიღებიდან.

4 იენის ბორჯომით ახალციხეში მობძანდა ყოვლად სამღვდლო ეპისკოპოსი ედუარდი. გზაში, „აწყვერსა“ და „წნისსა“ ბევრი ახალციხელნი მიეგებნენ ფაიტონებით და ცხენებით. წნისს, სადაც გააჩერებინეს ფაიტონები, გზატკეცილზე, გაუშალეს ხალიჩა, სადაც გადმობძანდა ეტილიდან მათი უსამღვდელოესობა და ამთხვევია ახალციხიდან შეგებებულს ხალხს. ქრისტესია გვარამაძემ სიტყვა უთხრა, აი სიტყვა:

თქვენო უსამღვდელოებავ!

დიდად ბედნიერი ვარ, რომ წილად მხვდა ახალციხის ქართველ-კათოლიკეთა სახელით მოგიძღვნა საღამო ჩვენს დედა ენაზედ და მოგილოცავთ მშვიდობით მობძანებას ჩვენს ქალაქში. \*)

კავკასიის კათოლიკენი რამდენიმე საუკუნეობა მოწყვეტილნი იყვნენ ეპისკოპოსის ხილვისაგან, მაგრამ ჩვენ ბედნიერი ვართ წინაპარზედ, რადგან გვეღირსა ნახვა ჩვენი მწყემსმთავრისა. ეს ახალციხე ის ისტორიული ქალაქია, სადაც პირველად გამრავლდა კათოლიკე ეკლესიის შვილნი, ის მხარეა, საიდგანაც მოეფინა საქართველოს სხვა ადგილებში კათოლიკენი; ეს ის კუთხეა, სადაც მრავალნი დევნულნი მღვდელნი და ერნი თავს შეიფარებდნენ; და იგივე ის სამწყსოა, რომლის წინაპართ მტკიცედ დაიცვეს კათოლიკე ეკლესიის დოგმები და დაღვარეს სისხლი ქრისტესთვის... აგერ იმ დევნული სამწყსოს ცხოვარნი მოგეგებებით თუმც ღარიბულად, მაგრამ აღფრთოვნებული სიყვარულით და პატივისცემით კ, ვისურვებთ ყოველ კეფილს თქვენი უსამღვდელოებისათვის.

\*) ეს სიტყვები ლათინურად ითქვა.

კავკასიის რომელ მხარესაც დაადგით თქვენი მადლიანი ფერხნი, ყველანი აღავსეთ სიხარულით და ნუგეშითა. მაშ მწყემსო კეთილო! გარდაავლე ბრწყინვალე თვალნი თქვენს დაცვივნულს ცხოვართა, გვანუგეშე და გაგვამხნევე! მიხედეთ თქვენს უფლებას და მოხედეთ ჩვენს საჭიროებასა, (მწყემსო კეთილო“\*) (თავი და ბოლო ფრაზა ლათინურათ ითქვა).

ქრისტესია გვარამაძე, 4 ივნისი 1903 წ. ქ. ახალციხე.

ახალციხეში აუარებელი ხალხი დაუხვდა ეპისკოპოსს. მიიღეს გაღმა, ღვთის მშობლის მიძინების ეკკლესიაში, სადაც სიტყვა ბძანა მისმა უსამღვდელოესობამ.

### სიტყვა ეპისკოპოსისა ახალციხის ღვთის მშობლას მიძინების ეკკლესიაში.

აგერ ორი თვეა, რაც ვმოგზაურობ ლორსა, ალექსანდრეპოლსა, ახალქალაქსა, თბილისსა, ქუთაისსა და სხ. შემოვიარე ოთხი სადეკანო და ყველგან ენახე, რომ ქრისტიანობა მტკიცედ დაცულა. ეს დიდათ მახარებს მე. მახარებს, მარა ერთი გარემოება კი მაწუხებს დიდათ; ქართველ-კათოლიკენი და სომეხ-კათოლიკენი გადაკიდულნი ყოფილხართ ერთმანეთზე; ერთი თქვენგანი ცდილობთ ენის მოპოებას, ე. ი. საბძანებლო ენაზე ლოცვა-ვედრებასა ღვთისადმი და, მეორე კი უშლით დედა ენაზე ლოცვა-ვედრებასა... პირველთათვის კანონიერია, რადგან დედა ენაზე, ანუ გასაგებ ენაზე სურთ ლოცვა, (რაიც უნდა ესმოდეს მლოცველსა) და უკანონოა ის, რომელნიც უშლით ამ უკანასკნელსა. თუმცა ჩემთვის ყველა ერთი ხარტ, არ ვარჩევ მე ენას: ქართველია, სომეხია, პოლონელი, თუ გერმანელი ეს სულ ერთია ჩემთვის; მე, მხოლოდ უპირატესობას ვაძლევ, მტკიცე სარწმუნოებას, რომ დაცული გქონდეთ წმიდათ ყველასა ეს... ქართველთათვის სამართლიანია ამაზე ბრძოლა, რომ გასაგებ ენაზე ცდილობთ ღვთის ვედრებას და მე,

\*) ეს სიტყვები ითქვა ლათინურათა და ქართულათაც.

სწორეთაც უნდა ვეცადო, რომ ყველას თავის ნებაზე ჰქონდეს ლოცვა-ვედრება და არც უნდა სხვამ დაუშალოთ ესა.

ეცადეთ, კიდევ მშვიდობიანათ და სიყვარულიანათ ყოფნას ერთმანეთთან სარწმუნოების მხრივ, და მაშინ, თქვენ ენაც მოიპოვებთ პირველნი და მეორენიც არ დაუშლით ამას, რადგან ურთიერთ შორის საზარალო არა იქნება-რა... ამას გაიგებთ კარგად, — მშვიდობიანობაში და სიყვარულიანობაში; ბრძოლა კი და გავიწყებთ ყველას, რადგანაც როს იბრძვით — კარგაგეთ გრძნობას და სინიღისს... მეც ვეცდები ამ საქმის უკმაყოფილების საბოლოო მოსპობას ორთავ საკეთილდღეოთ და სულის საცხონებლად...

გარდა ამისა, გავიგე რა ადგილობრივ სასულიერო მმართველობას სამი უღირსი პირი გაუგზავნიათ საზღვარ გარეთ და უკურთხებიან ღვდლათ; რომელთა კურთხევაც უკანონოა და უღირსო. ამის მომქმედი — შეჩვენებაშია... აგრეთვე ის პირებიც, რომელთაც მიიღეს და აწირვინეს ამათ ეკლესიებში; მე ამ პირებს არ ვაჩუქებ არასოდეს თავიანთ დანაშაულობასა უსასჯელოთ, მარა, რადგან პირველად მომიხდა აქ მოსვლა, — არ მაძლევს გულის ტანჯვა, რომ პირველ შეხვედრაზევე მოგეპყრათ სასტიკათ.... მაინც არ მოეცევათ ჩემგან ეს დანაშაულობანი, თუ არ მოვლენ ჩემს წინაშე, როგორც დანაშაულნი, თუ არ მომთხოვენ სულით და გულით ბოდიშსა... მაშინ შეიძლება ვაჩუქო. ზოლო ახალი ნაკურთხნი-კი არ მიიღებიან სამსახურში არას დროს უკანონო მოქცევისათვის და იმათ არც ბოდიშის მოხდა უშველისთ. შეუძლიათ მიმართონ მას, ვინც აკურთხა...

აქედგან მიხ. მეფისაშვილის ქვრივის სახლებში მიიღეს, სადაც ჰქონდათ განმზადებული ბინა. აქ დარჩა ოთხ დღეს. კარგი პატივი სცა ხალხმა (ყველა ეკლესიების ერთათ შეერთებით).

მეორე დღეს, 5 ივნისს, წმ. ზიარებათ დიდის პროცესიით სწირა ეპისკოპოზმა წმ. ჯვარის ეკლესიაში... შეიძებ ყველა ეკლესიებშიაც სწირა, გარდა ივლიტის ეკლესიისა. ვარდის ფენობაზე სახარებები ოთხ ენაზე წაკითხული იქნა ეპისკოპოზის ბძანებითა. პირველათ ქართულ ენაზედ მღ. ივ.



გვარამაძემ წაიკითხა, მეორე სომხურად საფარაშვილმა შესაშვ ბერძნულად ლაზარე გოზალაშვილმა და მეოთხე ლათინურად დონ-დამინე სააკაშვილმა.

ქართველ-კათოლიკობამ ერთობ სურვილი გამოუცხადეს ეპისკოპოსს ლათინის წესსზე გადასასვლელად სომხურის წესიდან. მსურველი 10,000 მიაწევს. \*)

ეპისკოპოსმა დიდი ცვლილება მოახდინა ახალციხეში, სასულიერო მმართველობა შესცვალა ახალ წევრთ მმართველობაზე და ბევრს მღვდლებს შენიშვნაც მისცა და გააფთხილა ზნეობრივ გასწორებაზე.

აქედგან ეპისკოპოსი უდეს წაბძანდა ორშაბათს, დილას 6 საათზე. იქ ახალ ეკლესიას აკეთებენ ძველი ეკლესიაც იყო, მარა არ იწირებოდა სიპატარავისა გამო და ამისთვის კალოზე (გარეთ), კარაპანში ინება წირვა მათმა უსამღვდელოებამ. აქვე ისადილა. უთხრეს სიტყვები მასწ. ივანე ბარიკალაშვილმა, ჰომრიგებელმა მოსამართლემ ყიფშიძემ, მასწ. ჩილინგრიშვილმა და სხვათა. უდიდგან არალს წავიდა, და იქიდგან კი აბასთუმანს; აქ სამს დღეს დარჩა. აბასთუმნის ქართველ-კათოლიკობამაც კარგი პატივი სცა ეპისკოპოსსა კარგი სადილების გამართვით. ეკლესია აქ თუმცა ხისა ნახა ეპისკოპოსმა, კარლო მღებრიშვილის მიერ აგებული, მაგრამ სუფთათ კი იყო და მაღლიერი დარჩა მისი. იაბანოა ეპისკოპოსმა აქაურ აბანოებში და აქედგან უღელ-ტეხილით ზეკარში წაბძანდა. ერთ-ორ დღესაც იქაურ წყლებზე დარჩა (გოგირდის წყლებია იქაც, აბასთუმანსავით) და შემდეგ (ბალდადზე) რიონს წავიდა. ბალდადელ კათოლიკებს, თურმე ვერ გაეგოთ ეპისკოპოსის მიბძანება და პატივი ვერ ეცათ. რიონიდგან დილის მატარებლით წაბძანდა გორში 13 ივნისს, სადაც მიწვეულ იყო თურმე აშილახვარიდგან (მთავარმართველად ნამყოფისაგან). ორ დღეს დარჩა გორში, ხოლო შაბათს, თბილისში მობძანდა, სადაც ხუთშაბათამდის დაჰყო. ხუთშაბათს, 17 დილის შვიდ საათზედ, ნაწირობევეს გაემგზავრა კავკავისკენ სამხედრო გზით.

\*) 4 ივნისს დილით, მათი მეუფება ვიზიტათ ბძანდებოდა მღ. ივ. გვარამაძესთან („ვინმე მესხთან“), სადაც ისაუზმა და დაათვალიერა ისტორიკის არხეოლოგიური და მინერალოგიური კოლექციები.



ბ. სტ. ზუბალაშვილი.

თბილისში დიდი ამღვრეულობა მოხდა ქართველ და სომეხთ კათოლიკეთა შორის, რადგანც სომეხნი ეკლესიას სთხოვდნენ ჩამოერთმიათ და ქართველნი კი არ ანებებდნენ. ჩვენ სულ არ შეუშვებთ სომეხებს ეკლესიაში, თავეთი აიგონო, იძახდნენ ქარველ კათოლიკენი; ხოლო ეპისკოპოსი ურჩევდა ღროებითი, ახალის აშენებამდის მიედნენ ქართველთ სომეხნი, მარა არა ყაბულობდნენ ქართველნი... ისინი (სომეხნი) არ აიგებენ და ვერც მოვიშორებთ მერმე, ახლა თუ შეუშვითო.

წასვლის ხანს დიდი ამბით გააცილეს ეპისკოპოსი ხალხმა და სამღვდელოებამ თბილისიდან. რადგან ვილნაში გადაჰყავდათ ეპისკოპოსი ედუარდი და აღარ სტოვებდნენ სარათოვში კავკასიის ეპისკოპოსად, ამისთვის შემდეგი სიტყვა მოახსენა მღვდელ-მთავარმა გამმსტუმრებელთა: მე, მართალია, გადაყვევარ (მგონი), მთავრობას ვილნაში და აღარ ვიქნები თქვენი ეპისკოპოსი, მაგრამ იცოდეთ, რომ თქვენი პატივისცემა ჩემდამი იშრომს დიდია, რომ შეუძლებელი იქნება ამის დაფიწყება... მე თქვენივე ეპისკოპოსათ რომ დავრჩენილიყავი, შეიძლებოდა ვერც მოვსულიყავი ამის მეტათ აქეთ, მარა ახლა რახან თქვენი აღარ ვიქნები, აქეთ წამოსვლა უფრო ადვილი იქნება ჩემთვის და თქვენი ნახვაცა, აბასთუმან-ბორჯომის წყლებზე, სადაც ხშირათ ვიარ საწამლავათო. ისე, მეც გთხოვთ, რადგან ვილნა შუა ადგილი და გზაა მთელ რუსეთის სახელმწიფოში, რუსეთში მოგზაურობისა და საზღვარ გარეთ, ევროპაში რკინის გზით, ვისაც გზა დაგიჩხეთ მობძანდით ხოლმე ჩემთან... ყველა კავკასიელისთვის, რა დროც იყოს, ღია იქნება ჩემი სახლის კარიო. ბოლო ს. ზუბალა-შვილს უდიდესი მადლობა უძღვნი უზომო პატივისცემისათვის და ერთობ ყველასა, რადგან დიდის სიყვარულიანობით იყო მიღებული და პატივისცემით თვით უკანასკნელ სოფელშიაც კი. \*)

**ღრმადე სიტყვა ბათუმის (ქართველ-კათოლიკეთა), სტ. ზუბალა-შვილის მიერ აკებული ეკლესიას აშენებაზე.**

რც ბათუმი რუსმა შეიერთა ოსმალოსაგან 1878 წლიდანვე ახალციხელ ქართველ-კათოლიკებმა დენა იწყეს ბათომში

\*) ეპისკოპოზი ედუარდის ბარონ-დე როპპის მობძანება საქართველოში ქართველ-კათოლიკეთა დაუჯდა 50,000 მანეთამდე.

საეპროდა. იმდენი გადასახლდა, რომ შესამჩნევად, ამათ ქუთაისიდან გადასახლებული ახალციხელებიც წაემატა და მართლაც შესაჩნევლად გამრავლდნენ. ესენი ართვანელების მიერ აგებულ ეკკლესიაში დაიარებოდნენ წირვა-ლოცვაზე მარა, დედა ენაზედ ქადაგების და სახარების მოუსმენელობითა და მოენე მღვდლის უყოლობით წუხდნენ; ბოლოს ესეც მიენიქათ მათ. 1890 წ. პატრი ანსელმო მღებრიშვილი საჰაეროთ მოვიდა ბათომში და აღარც გაუშვეს ის... ამ ეკკლესიაში ასრულებდა იგი წირვა-ლოცვას ერთ ხანათ; მარა მერმე ვერ მოთავსდნენ ქართველ-სომეხ-კათოლიკენი ერთ ეკკლესიაში და აირივ-დაირია იმათი მონასტერი. საქმე იქნობამდე გამწვავდა, რომ აღარც ქართველებმა იკადრეს იქ შესვლა და კიდევ რომ შესულიყვნენ, აღარც სომეხნი შეუშვებდნენ. ქართველებმა მალე გამოიგონეს ცალკე თავეთი ახალი ეკკლესიის აგება. ბ. ნიკო საბაევის (ცნობილ ბათომის ვაჟარის) მეოხებით რისთვისაც შესდგა კომისიაც სააზრუნველად ეკკლესიის აგებისათვის და დაიწყეს მოქმედებაც... საბაევის მეოხებითვე, ქალაქისაგან ადგილი დაითმეს ეკკლესიის ასაგებელად 400 კვად. საჟ., ერთი 200 საჟ. თვითონ იყიდეს აქა-იქ შეგროვილ ჯამიდგან და ასე გაიმზადეს ეკკლესიის ასაგებელი ადგილი.

კომისიას უნდოდა შენობის ასაგებლად ფულის შოვნა, მაგრამ საძნელოდ სახავდა კი. ნიკო საბაევი და მღ. მღებრიშვილი წავიდნენ ზუბალაშვილთან (სტეფანე კოსტანტინეს ძესთან) და სთხოვეს ეკკლესიისთვის შემწეობის აღმოჩენა. ეს დრო, ის დრო იყო, როდესაც ზუბალაშვილი ეკკლესიის აგების თაღარაგში იყო თურმე, მისი განსვენებული დედის ანდერძის თანხმად, რომელსაც თურმე აღთქმა მიეცა ღვთისთვის კიდევ იმ დროს, როდესაც ზუბალაშვილს ნავთის წყაროები ამოუჩენელი ჰქონდა ბაქოში და ეძებდნენ დიდის საფასებით კი, ხარჯავდნენ უზომოთ და არ იქნა იმისი ამოჩენა. სტეფანეს კოსტანტინეს ძის დედას, ელისაბედს ბევრი ხარჯების შემდეგ, ეგ აღეთქვა ღვთისთვის თუ ამოაჩენდა ნავთის წყაროებს, ერთი შვენიერი ეკკლესია აეგო, სადაც საჭირო იქნებოდა. მართლაც ისმინა ღმერთმა და ნავთის წყაროები აღმოუჩინათ. აი,

ეს აღთქმავე აუსრულა დედამის... ამისათვის მიმმართველთ სტეფანე კოსტანტინეს ძემ ულაპარაკოთვე ამოუღო ჯიბიდან 15,000 მან. და მისცა მათ საძირკვლისთვის და დანარჩენიც შეჰპირდა, რაც დაიხარჯებოდა მიეცა ყველა, რისთვისაც კრედიტი გაუხსნა ასიათასობით სახელმწიფო ბანკში. გახარებულნი მღებრიშვილი და საბავეი იმ დღიდანვე შეუდგნენ საძირკველის ჩაყრას 1888 წ. და შეუდგნენ შენობასაც და აი, ის შენობაა, რომელიც ბათომის რკინის გზის სადგურიდან 100 საყენზეა ლამაზი წერწეტა ეკლესია რკინის გზის პირად, მისავალზედ რომ ხედავთ... შენობა დამთავრდა 1903 წ., ე. ი. ოთხ წელში. დაჯდა სულ 200,000 მან. ეს ეკლესია ერთად ერთი შენობაა, არამც კავკასიაში, აგრეთვე ბევრ რუსის სახელმწიფო კუთვნიებაშიაც კი იშვიათია სიშვენიერით. შენობა გოტიკურ-ვიზანტიის სტილისაა. სულ ბიტონით ნაგებია, ხოლო სანათურ კარებთანა და საფიგურო მოსახმარში კი სულ წითელ მოჩუქურთმული ქვებით შეხამებულია, რომელიც დიდს შვენიებას აძლევს, ისეც შვენიერ შენობასა. გარედგან შესავალ კარებს მარჯვნივ და მარცხნივ მომალლოთ ნახავთ ორ საუცხოვო თეთრი ქვისაგან გამოქანდაკებულს ძეგლს, ერთს მარჯვნივ წმ. ნინოს, საქართველოს განმანათლებელს და მეორე ანდრია მოციქულს.

ეკლესია დიდია, სადაც 5000 სულზე მეტი დაეჭევა; მაგ. სიგძით 11 საჟ. აქვს, სიგანე 10 საჟ. და სიმაღლე 21 საჟ. ეზოც მაღალი ბიტონისავე კედლებით შემოზღუდულია რკინის მესრებით. რაც გარედგან შეხედულება აქვს, ამ ეკლესიას, — გაასკეცებით შიგნით უფრო მოწყობილი და ულამაზესია.

მთელი კედლების სივრცე ქვეით, კაცის სიმაღლის ზემოთ, სულ შვენიერი საღებავ-ფერად წამლებით ნახატია შვენიერი ხელოვნებითა: ქრისტე, ღვთისმშობელი, მოციქულები, მოწაფეები და სხვა და სხვა წმიდანები ნახატი; საუცხოვოთ მთარშიებულ მოვარაყებულია. კაცის სიმაღლეზე კი სულ შავი მარმარილოს გარნეზებითაა აყვანილი და ძირსაც ასევეა დაფენილი; სვეტები და ტრაპეზები, ამპიონითურთ სულ თეთრი მარმარილოსია. შვაში საუცხოვო ბროლის და ბრონზის ჩა-

მოკიდული ქალითაა დაშენებული, რომელიც ელექტრონით ნათლდება ტრაპეზებით და კედლებითურთ. მაღლა, ჩარდახში ახალი სისტემის უშველებელს მუსიკას უჭირავს იქავრობა, მეორე სართულზე. შესავალ კარებში, ძირს, შემდეგ მოვარაყულს წარწერას ნახავთ ქართულათ და ლათინურად: „მოვედით და თაყვანი ვსცეთ და უგალობდეთ უფალსა“.

შესავალ კარების ორივე მხარეს: „ტაძარი ესე ყოვლად წმიდა ღვთის მშობლისათვის ზღუდითურ აღვადგინე მე სტეფანე კონსტანტინეს ძე ზუბალაშვილმა საცხონებლად სულთა, ჩემთასა, მშობელთა და დათა ჩემთასა“. ზარებზე შემდეგი წარწერაა: „ზარები ესე შევწირე მე სტეფანე კონსტანტინეს ძე ზუბალაშვილმა ჩემ მიერ აგებულ ბათომის ქართველ-კათოლიკეთა ეკლესიას“. ჭიშკრის ზემოთ წარწერა: „12 ივნისი 1898 წ.— 21 ივნისი 1902 წ.“.

სტეფანე კონსტანტინეს ძე ზუბალაშვილი ცნობილია, როგორც უდიდესი, ქველ მოქმედი ქართველი-მილლიონერი. მას ბაქოში დიდი ნავთის წყაროები ამოუდის საკუთარს ადგილებში, რომელსაც თვითონვე აწარმოებს.

იმან ტფილისს სათავად-აზნაურო სასწავლებლის შენობის ასაგებათ შესწირა 50,000 მან., ტფილისის ქართველ-კათოლიკეთა ღვთის მშობლის მიძინების ეკლესიის განსახლებლად 15,000 მან. ხიზაბავრის სკოლის, ქალების სახელსაქმო განყოფილების შენობის ასაგებლად, 1,000 მან. და სხ.

სტ. კ. ზუბალაშვილის ვრცელს ბიოგრაფიას ცალკე დაუბეჭდავთ მალე.

ასეთის უხვის მოწყალებისათვის დიდი მადლობის ღირსია ბ. სტ. კ. ზუბალაშვილი ყველა ქართველთაგან. აგრეთვე მღ. ა. მღებრიშვილი და ნ. საბაევიც მადლობის ღირსნი არიან თავეთი შრომისთვის და ღვაწლისათვის, რომელთაც ეკლესიის აგებაზე მიუძღვიოთ ბათუმში.

მესხი კ. აგ. მე გვაწამაქე.

947.922

8 445